

卷之十六
 消渴 肺癰 肺痿 附腸癰 脫肛
 腋氣 即狐臭

卷之十七
 頭痛 心痛 附胸膈痛 腹痛

卷之十八
 腰痛 脇痛 背痛 手臂痛
 疼風 痺證 附痿症

卷之十九
 脚氣 附脚諸病 癩疔 前陰諸證

卷之二十
 顛狂 癩證 邪祟 尸症 卒中 暴死

卷之二十一
 鬚髮 面病 奇病

內閣文庫	漢書
三〇六三	類
函架	冊架

漢書門	三〇六三
類	二
函架	三
冊架	八

內閣文庫	
番號	漢 13062
冊數	8 (3)
函號	301 78




綴じ部(喉部分)の文字等が開きが不鮮明な場所あり

音門醫品卷之十六

明諸城王化貞省乾爻原編

廣寧後學郎廷模貞若爻重梓

男 文州全較
姪 文燾



消渴門

論河間曰三消之疾本濕寒之陰氣極衰燥熱之陽氣太甚水火不相既濟遂成五消○渴而引飲飲水多而小便亦多名為上消○若飲食俱多而不甚渴小便數消瘦者名曰中消○若渴而飲水

音門醫品

卷之十六

消渴

一

娛種堂

不絕腿消瘦而小便有脂液濁者曰腎消此三消者皆燥熱之亢極也

上消肺也多飲水而少食大小便如常舌裂大渴以白虎加人參湯主之○中消胃也多飲食而小便黃形瘦自汗大便硬小便數食已卽飢宜黃芩石膏主之調胃承氣湯之類○下消腎也小便淋濁如膠油之狀煩燥引飲耳輪焦乾腎水渴也宜六味地黃丸之類

丹溪曰三消多是血虛不生津液宜四物湯爲主
○上消加五味子人參麥門冬天花粉飲酒人加生葛汁○中消加知母石膏滑石寒水石○下消加黃蘗楮知母熟地黃五味子皆以澡絲湯代茶

通治 三十七方

聖玉膏 ○治消渴

人參去蘆一兩葛粉二兩爲末每用燻猪湯一升入藥加蜜二兩慢火熬至三合狀如黑飭以瓷器收之常以一匙含嚥不遇三服卽効夜卧須用之

聖濟總錄

金豆丸 治全上

白扁豆浸去皮為末以天花粉汁同煉蜜和丸梧子大金箔為衣每服三四丸天花粉煎湯下日二服忌炙燻酒色宜服滋腎藥仁存堂方

又方

牛膝五兩為末生地黄汁二碗浸之日曬夜曝汁盡為度蜜丸梧子大空心溫酒下三十九經驗方

又方

治痿痺去皮寸切水浸五日逐日易水取出搗碎
瀝過澄粉晒乾每服二錢水化下日三服入粥及乳酪中食之亦可千金方

又方

新生韭苗日用三五兩或炒或煮作羹勿入鹽入醬無妨喫至十斤即愈過清明勿喫有人病消渴得此方而愈秦憲副方

又方

用出了子蘿蔔三枚洗淨切片日乾為末每服二錢用猪胰煎湯澄清調下日二服漸增至三錢生

者搗汁亦可或以汁煮粥食之 圖經本草

又方

冬瓜一枚削皮埋濕地中一月取出破開取清水
日飲之或燒熟絞汁飲之 聖濟總錄

消渴有蟲人所不知

苦楝根白皮一握切焙入麝香少許水二碗煎至
一碗空心飲之雖困頓不妨下蟲如虵而紅色渴
自止 洪邁夷堅志

消渴飲水

麥食梨佳或以好梨絞汁入蜜熬成膏瓶收日日
以熱水調服冷水亦可愈乃止 普濟方

治消渴利水氣消腫除熱並解酒毒及金石發熱

桑椹黑熟者采取微研以布濾汁石器熬成稀膏
量多少入蜜熬稠貯瓷器中每抄一二錢臨卧以
沸湯點服 宗真方

又方

蝸牛十四枚形圓而大者以水三合密器中浸一
宿取其水飲之不過一劑愈 崔元亮海上方

消渴

卷十六

消渴

四

娛暉堂

又方

鯽魚一枚去腸留鱗以茶葉填滿紙包煨熟食之
不過數枚即愈吳氏心鏡

又方

泥鰍十頭陰乾去頭尾燒灰乾荷葉等分為末每
用二錢新汲水調下日三服普濟方

消渴飲水不止

人參去蘆為末鷄子清調服一錢日四服或用人
參瓜麥根等分為末煉蜜丸梧子大每百丸食前
麥門冬湯下日二服愈為度忌酒麪炙煇集驗方

消渴日夜飲水數斗

雄猪肚一枚煮汁入少豉湯即飲之煮粥亦可食
醫心鏡

又方

五靈脂黑豆去皮等分為末每服三錢冬瓜皮湯
下無皮用葉亦可日二服更服八味丸去附子加
五味子一兩若小渴者二三服即止保命集八味
丸方見十三卷虛勞門

又方

蜜陀僧二兩研末湯浸蒸餅為丸如梧子大濃煎
蠶繭湯送下無繭用茄根湯亦可一日五九日增
五九至三十九止不可多服五六服後見水惡心
為驗惡心時以乾物壓之自定甚奇 選奇方

又方

白浮石煨蛤粉蟬蛻焙等分為末鯽魚膽汁七箇
調服三錢神效 本事方

又方

浮萍搗汁飲之 本草綱目

又方

糯稻炒出白花桑根白皮炒等分每用一兩水二
碗煎濃汁飲之 三因方

又方

黑豆置牛膽中陰乾百日吞盡即瘥 肘後方
消渴不止小便多者

乾冬瓜子麥門冬去心黃連各二兩每用兩半水
二鍾煎鍾半服凡冬瓜苗葉俱治消渴不拘新乾

摘玄方

又方

桑根用入地三尺者剥取白皮炙黄剉以水煮濃汁隨意飲之亦可入少米勿用塩 肘後方

消中易飢

肉蓯蓉酥炙山茱萸去核五味子等分爲末蜜丸梧子大塩湯下二十九 醫李指南

又方

鷄內金洗晒栝樓根炒各五兩爲末糊丸梧子大每服三十九温水下日三服 總錄

消渴飲水骨節煩熱

用生芭蕉根搗汁飲之 聖惠方

消渴骨蒸

大冬瓜一枚去瓢入黃連末填满安瓮內待瓜消盡同研丸梧子大每服三四十九煎冬瓜湯下 經方

消渴羸瘦

兔一隻去皮瓜五臟以水一斗煎稠去滓澄冷渴

消渴

卷十六

消渴

七

吳揮堂

即飲之極重者不遇二兔崔元亮海上方

又方

生栝樓根切十片以水三斗煮至一斗濾淨入煉
淨黃牛脂一合慢火熬成膏瓶收酒服一盃日三
聖濟總錄

消渴煩悶

烏梅肉二兩微炒為末每三錢水二盞煎一盞去
渣入豆豉二百粒煎至半盞溫服簡要濟衆方

又方

蠶蛹二兩以無灰酒一中盞水一大盞同煮一中
盞溫服聖惠方

又方

黃栝樓一箇酒一盞洗去皮子取瓢煎成膏入白
礬末一兩九梧子大每米飲下十九聖惠方

忍冬丸 消渴之人愈後防發癰疽宜服

忍冬藤根莖花葉皆可不拘多少入瓶內以無灰
好酒浸糠火煨一宿取出晒乾入甘草少許碾為
細末以浸藥酒打糊為丸梧子大每服六七十丸

至百九湯酒任下此不惟敗毒兼能治渴凡消渴
已愈未愈皆宜服之外科精要

白虎加人參湯 治見論

方見四卷暑證論

調胃承氣湯 治見論

方見三卷傷寒門

六味地黄丸 治見論

方見十三卷虛勞門

四物湯 湯見論

方見三十二卷調經門

肺癰肺痿門

附腸癰

論肺癰其人欬胃內滿隱匕痛而戰咽乾口內辟
辟燥不渴或渴時出濁唾腥臭惡風鼻塞右脇按
之痛

有膿而嘔者不須治其嘔膿止自愈又匕吐膿不
已如米粥者難治已被風入者不治

肺痿之證由久嗽不已或汗下過度重亡津液所

致其人寒熱往來自汗減亡欬嗽短氣胃脹脇滿
多唾涎沫而無膿脉數而虛為肺痿數而實為肺
癰微緊而數者為無膿緊甚而數者為有膿
肺痿小便數而不渴亡者自愈

肺癰七方

桔梗湯 治肺癰欬嗽膿血咽乾作渴大便難小便
赤澀

桔梗貝母去心薏苡仁炒各七分當歸酒洗瓜蒌
仁炙殺透白皮炒各六分黃耆蜜炙一錢甘
草節杏仁炒去皮尖防己百合蒸各五分水二鍾
薑二片煎八分食遠服大便秘加煨大黃八分濟
生方

甘桔湯 治肺癰欬嗽胃滿振寒咽乾不渴時出濁
唾腥臭久久吐膿如粳米粥者

桔梗一兩甘草炙二兩水三升煮一升分二次溫
服金匱玉函方

肺癰欬出膿血久嗽不愈喉中氣塞胸膈噎疼
蛤蚧炙阿膠炒鹿角膠炒生犀角羚羊角各二錢

半用河水三升銀石器內文武火熬至半升慮汁
時匕仰卧細呷宗奩方

肺癰欬煩滿微熱心胸甲錯

嫩葶切片半斤水六碗煮三碗入棗仁去皮尖三
十枚薏仁二合煮取一碗服之當吐出膿血而愈
金匱玉函方

肺癰口吐腥臭心胸甲錯

醇醋煮薏苡仁令濃微温服有血吐出愈范汪方

肺癰吐膿

黃耆蜜炙二兩為末每用二錢水一鍾煎至六分
温服日三四服聖惠方

肺癰肺痿心中隱也疼吐涎沫咽燥而不渴

生天門冬搗汁一升酒一升飴半鍾紫苑汁半鍾
砂鍋煎稠硬丸如杏仁大每噲一九日三肘後方

肺痿丸方

潤肺膏治久欬肺燥成痿

羊肺一具杏仁去皮尖研柿霜酥油綠豆粉各
一兩白蜜二兩將羊肺洗淨次將藥入水攪勻灌

入肺中白水煮熟食之葛可久方

鹿髓煎 治肺痿欬嗽

鹿髓生地黄汁各七合酥蜜各一兩杏仁桃仁各三兩去皮尖酒一升同搗汁先煎杏仁桃仁地黃汁減半入前三味煎如飴每含一匙日三 聖惠方
肺痿久嗽涕唾多骨節煩疼悶塞寒熱

甘草二兩炙為末每用童便調服一錢 廣利方

肺痿吐沫頭眩小便數而不欬肺中冷也宜溫之

甘草灸四兩乾薑炮二兩水三升煮一升五合分三次服之 金匱要略

肺痿時時寒熱久嗽涕唾類赤氣急

童便去頭尾五合大甘草一寸四破浸之露一夜去甘草平日頓服或入甘草末一錢同服亦可一

日一劑童子忌食五辛熱物 姚僧坦集驗方

肺痿欬逆短氣胃中吸吸唾吐臭膿

用竹瀝時時服之日三五次 李絳兵部手集

肺痿咯血多痰

防已葶藶炒等分為末糯米飲服一錢 古今錄驗

又方

薏苡仁十兩杵破水三碗煎一升酒少許服之神
効梅師方

肺痿欬血

蘿蔔和鯽魚煮粥頻食 普濟方

附腸癰

論腸癰小腹疼而堅硬小便數時時汗出甚者腹
脹大轉側作水聲或膿從臍出或從大便出宜九
太乙膏服及托裏藥

通治九方

腸癰內痛

大棗連核燒存性百藥煎等分爲末每服一錢空
心溫酒服 直指方

又方

鼈甲燒存性研末水服一錢日三服 傳信方
又方

雄鷄頂上毛并尿燒末空心酒服二錢 千金方
腸癰有膿

子門醫品
蕙苡仁一兩附子製四錢敗醬葉八錢搗末每服
二錢熱水調服金匱玉舌方

腸癰腹痛兩耳輪甲錯或透臍有瘡如粟下膿血
用白馬蹄灰和雞子白調塗卽拔毒氣出千金方
腸癰吐敗血腥穢殊甚臍腹冷疼

紅葵花根白芷各一兩枯白礬白芍藥各五錢爲
末黃蠟溶化和丸梧子大每空心米飲下二十九
坦僊皆効方

腸癰小腹腫痛小便更以林或大便難澁下膿

甜瓜子炒一合當歸炒一兩蛇蛻一條每四錢水
一盞半煎一盞食前服利下惡物爲妙聖惠方
瘡在腸臍不可藥治者

皂角刺不拘多少好酒一碗煎至七分溫服其濃
血卽從小便出極効不飲酒者水煎亦可經驗方
太乙膏 治見論

方見二十六卷癰疽門

脫肛門

論肺與大腸為表裏故肺經蘊熱則肛門閉結肺氣虛寒則肛門脫出久則下陷而滑脫也

子和曰此大腸熱甚或因洞瀉及用力過多小兒叫呼并丸藥大下及久痢努出腸頭皆致脫肛之病不可執一宜用熱水屛洗勿令冷澁難收內經曰下者舉之滑者澁之此治脫肛之意也

通治三十七方

大腸脫肛

慈石半兩火假醋碎七次為末每空心米飲服一錢直搗方

又方

用慈石末麩糊調塗顙上登廁洗去簡便方

又方

槐角槐花各炒等分為末用羊血蘸藥炙熟空心食以酒送下或以猪腰子蘸炙食亦可百一選方

又方

苘荊子炒研敷之聖惠方

又方

蟾蜍皮一片瓶內燒烟熏之并研傅之孫真人方
虛冷脫肛

石灰炒熱故帛裹坐冷即易之聖惠方

又方

苦參五倍子陳壁土等分煎湯洗之以木賊末敷之醫方摘要

又方

木賊燒存性為末摻之按入或加煨龍骨因方

又方

曼陀羅子即胡連殼一對橡斗十箇同剉水煎三五沸入朴消三錢洗之儒門事親

又方

胡荽一升燒烟薰之子母秘錄

又方

舊麻鞋底灸熱類按入仍以麻鞋底鼈頭各一枚燒研敷之按入即不出千金方

又方

五倍子末二錢入白礬一塊水一碗煎湯洗之立

平門醫品
効三因方

又方

五椀子半斤水煮熟極爛盛坐桶上熏之待温以手
輕匕托上仍以人參去蘆黃耆蜜灸升麻各一錢
水一鍾煎半鍾温服之簡便方

又方

蝟皮一箇燒磁石煨桂心各五錢爲末每服二錢
空心米飲下葉氏摘玄方

風熱脫肛

鐵粉研同白歛末敷上按入直指方

又方

蒲黃研和猪脂敷之日三五度子母秘錄

又方

浮萍爲末敷之危氏得効方

又方

熊膽五分兒茶三分冰片一分爲細末加人乳調
搽肛上熱汁自下肛自收矣經驗方

又方

烏龍尾 卽倒掛灰 同鼠屎燒煙于桶內坐熏之數
次卽不脫 濟急方

又方

用不蛀皂角五挺搥碎水採取汁二升浸之自收
上本草綱目

又方

黃皮桑樹葉三升水煎帶溫罨納之 仁齋直指方

又方

卷鄆燒存性爲末入水先一字研勻搥肛上托之
卽入 醫學集成

又方

五倍子炒黃爲末放熱鞋底上托之卽收 龔氏方

又方

乾蝸牛一兩炒焦研每用一錢猪脂和敷立縮或
用羊脂溶敷送入亦効 聖惠方

久痢脫肛

枳實二三箇石上磨平蜜灸黃乘熱更互熨之縮
乃止 千金方

又方

冷水調黃連末塗之 經驗方

又方

赤石脂煨伏龍肝等分爲末敷或加白礬 錢氏小

兒方

又方

槿皮或葉煎湯熏洗以白礬五倍末敷之 救急方

又方

白龍骨煨爲末撲之 姚和衆方

又方

橡斗子燒存性研末猪脂和敷 直指方

痢類脫肛黑色堅硬

巴豆殼燒灰取芭蕉自然汁煮一滾傾出入朴消

少許將肛洗軟用真麻油點火滴于上枯礬龍骨

煨各少許爲末摻之以芭蕉葉托入 危氏得効方

下血脫肛

白雞冠花炒成灰菴活等分爲末每服二錢空心

米飲下 永類鈐方

痔漏脫肛

胡荽子一升粟糠一升乳香研末一兩拌勻以小口瓶燒烟熏之儒門事親

又方

絲瓜燒灰多年石灰雄黃各五錢為末以猪膽鷄子清及香油和調貼之收上乃止孫氏集効方

又方

虎脛骨兩節以蜜二兩炙赤擣末蒸餅丸梧子大

每晨晨温酒下二十九取効勝金方

脫肛歷年不入者

生鐵二斤水一斗煮汁五升洗之日再集驗方

又方

鼈頭炙研傅之仍以米飲服二錢日再日華本草

腋氣門

論腋屬足厥陰肝經之分肝經鬱熱出于腋其臭如狐又名狐臭有竅肝熱盛則竅開而泄于外益不可近擦敷之藥僅療一時之急不能除其根必

須內疎肝邪方可使之永絕也

①通治十五方

腋氣除根法

先用刀剃去腋毛淨用好定粉水調擦患處六七日後看中有一點黑者其孔如針大或如簪尖大其氣即自此出用艾炷如米大灸之三四壯愈永不再發其內邪未除可服聚香散

又方

用編編一筒以赤石脂末半兩塗遍黃泥包固酒乾煨存性以田螺水調塗腋下待毒氣上冲急服

聚香散行一二次即除乾坤秘製

聚香散 治腋氣

青木香三分丁香三分檀香一錢檳榔八分大黃煨三錢水一鍾煎八分入麝香一分溫服以利為度不利再加黃二錢

腋下胡臭

以三年陳米醋和石灰敷之外臺方

又方

鷄子二枚煮熟去殼熱夾腋下待冷棄三叉路口
勿回顧如此三次効 肘後方

又方

薑汁類塗之絕根 易簡方

又方

先用漿水洗淨後以香油調蜜陀僧末塗之或用
熱蒸餅一箇切破去皮摻末夾之 集簡方

又方

經粉黃丹炒研細垂調類擦之 普濟方

又方

用官粉常擦或以粉和牛脂煎稠塗之 千金方

又方

先用清水洗淨次用酸漿洗淨微揩破取銅屑和
醋熱揩之外臺方

蜘蛛散 治狐臭不可近

大蜘蛛一枚用黃泥少加赤石脂并鹽葎為窠包
罨蜘蛛于小火中煨乾漸加武火煨通紅候冷取
蜘蛛細研入輕粉一字和米醋調膏臨卧先將腋

洗淨後以膏搽之次早洗下黑汁惡物爲効宜僻
處埋之勿令染人不可穿舊衣凡舊衣俱澣洗過

又方

古錢十文鐵線串燒醋淬十次研末入麝少許調
塗應急良方

又方

膽礬一兩半生半熟輕粉少許爲末每用半錢以
生薑自然汁塗十分熱疼乃止數日一用以愈爲

度又簡易方

又方

枯白礬細末絹袋盛之繫腋下常以手搓令粉出
甚效許堯臣方

田螺散 治體氣凡患此病者耳內常有油濕

大田螺一枚水中養之俟其靨開以巴豆仁一粒
用針挑放在內將螺拭乾仰放盞內夏月一宿冬
五七宿自然成水取擦患處絕根丹心法

明諸城王化貞曾乾父原編

廣寧後學郎廷模貞若父重梓

男文炯全較

頭疼門

通治

偏頭風

多年頭風

腫響

旋運

眉稜骨疼

論頭為三陽之部分故活人書云頭痛者陽證也

頭與項痛者足太陽經也攢竹痛俗謂眉骨痛足

陽明經也額角痛俗謂偏頭痛足少陽經也

丹溪曰頭痛多主于痰痛甚者火多宜清痰降火

用二陳湯加白芷川芎為主肥人多是濕痰宜半
夏蒼白朮瘦人是熱與血虛宜四物湯加酒炒黃
芩防風勞後下虛之人似傷寒發熱汗出而太陽
穴痛甚此相火自下衝上宜補中益氣湯加川芎
當歸甚者加知母黃蘗楸蔓荆子細辛壯實熱疼
大便結燥者宜下巔頂痛者宜加藁本酒炒升麻
柴胡面上紅腫連頭痛者胃風湯面腫生瘡調胃
承氣湯加薄荷荆芥

王節齋云久病頭疼者感風寒更發寒月須重綿
厚帕包裹者此屬鬱熱本熱而標寒也惟當瀉火
涼血為主而佐以辛溫散表之劑以從法治之則
病愈而根可除也若誤認為寒專主溫散是為以
熱益熱

真頭疼腦盡痛手足寒至節死不治

①通治 三十九方

川芎茶調散 治諸風上攻偏正頭疼鼻塞聲重
薄荷二兩荆芥穗川芎酒浸各一兩羌活白芷甘
草炙各半兩細辛防風各二錢半為細末每服二

錢茶清調下凡治頭疼藥俱食後服

八般頭風

魚鱉燒存性為末臨卧葱酒調服二錢本草綱目

又方

生半夏研末百草霜少許作紙撚燒烟就鼻內嚙之口中含水有痰吐去再含三次見効衛生室鑑

又方

藜蘆一莖日乾研末入麝香少許每用一字吹鼻

又方

白僵蚕炒為末食後葱茶調服二錢本草綱目

又方

用大蒜研汁嚙鼻中易簡方

又方

用大蒜七瓣去皮先燒地紅以蒜逐箇于地上磨攤成膏却以僵蚕一兩去頭足安蒜上碗覆一夜勿令透氣只取蚕研末嚙入鼻內口中含水甚効並治小兒驚風聖濟總錄

又方

人中白乾地龍炒等分爲末羊胆汁丸芥子大每
新汲水化一丸注鼻中嚙之 普濟方

如神丹 治全上

船上硫黃製消石各一兩研細水丸茨子大食後

嚼一丸茶下 普濟方

偏正頭風不拘遠近諸藥不効者

白芷芩藜各三錢爲細末以黃牛腦子搽末在上

窰器內入酒類熱食後乘熱食之盡量一醉醒則
其病如失 保壽堂方

又方

白芷炒二兩五錢川芎甘草各炒川烏頭半生半

熟各一兩爲末每服二錢食後細茶薄荷煎湯下

談野翁試驗方

又方

川芎一錢茶葉二錢水一鍾煎五分熱服簡便方

又方

荆芥穗石膏煨等分每服二錢茶調下 永類鈔方

又方

甘菊花石膏煨川芎各三錢為末每服一錢半茶調下簡便方

又方

决明子為末醋和敷兩太陽穴以紙貼之又作枕用之治頭風明目甚于黑豆醫方摘玄

頭痛欲死

火焰消為末吹鼻內炮炙論

又方

遠志為細末噉鼻宣明方

又方

當歸二兩酒一升煮六合飲之日再服外臺秘要

又方

童便一盞鼓心半合煎五分食後溫服聖濟總錄

又方

杏仁去皮尖三升水九升研爛漚汗煎如麻腐狀取和羹粥食七日後大汗出諸風漸減此法神妙慎風冷雞猪魚鯢蒜醋千金方

氣厥頭痛因怒而得者

烏藥川芎等分爲末每服二錢茶清調下濟生方

氣鬱頭疼

香附子炒四兩川芎二兩爲末每服二錢食後茶

清調下澹寮方

又方

香附子炒半斤烏頭炒五錢甘草炙一兩爲末煉

蜜丸彈子大每服一丸食後葱茶嚼下本事方

又方

羌活防風紅小豆等分爲末啗鼻玉機微義

風寒傷腦頭痛不拘偏正最効非寒者勿用

大附子一個生切四片以薑汁一盞浸炙再浸再

炙汁盡乃止高良薑等分爲末每服一錢食後茶

清調下忌熱物三因方

又方

豆淋酒密封七日溫服詳見三十七卷產後諸症

門千金方

痰厥頭疼如破

鳥梅肉三十箇鹽三撮酒三升煮一升頓服取吐
卽愈肘後方

痰澀頭疼不欲飲食

白礬一兩水二升煮一升入蜜兩許頻服須臾大
吐未吐以少熱湯飲之外臺秘要

風痰頭疼不可忍

卮子末二錢和蜜濃敷舌上吐卽止兵部手集

頭風熱疼

又方

玄精石爲末入羊膽中陰乾水調一字吹鼻中立
止千金方

頭痛腦熱肺壅多涕名爲鼻淵

雞蘇葉麥門冬去心川芎桑白皮炒黃耆蜜炙甘
草炙生地黃焙等分爲末煉蜜丸梧子大每服四
十九食後人參湯下聖濟總錄

又方

鷄蘇葉五兩皂莢炙去皮子三兩芫花醋炒焦一

兩為末煉蜜丸梧子大每服二十九食後芥子湯
下聖惠方

偏正頭風天陰風雨作發

桂心末一兩酒調塗額上及頂上 聖惠方

又方

蔓荆子一升為末絹袋盛浸一斗酒中七日食後

溫飲日三次 千金方

飲酒頭疼

竹茹三兩水五碗煎二碗去渣令冷納維子三枚攪勻再者三沸食後飲之 千金方

二陳湯 治見論

方見本卷心疼門

四物湯 治見論

方見三十三卷調經門

補中益氣湯 治見論

方見五卷內傷門

偏頭風 十五方

偏頭風在左屬血虛及風與火

當歸酒浸川芎酒洗白芍藥酒炒生地黃酒洗各
一錢荆芥薄荷各七分黃蘗酒炒八分水二鍾煎
一鍾食後溫服

偏頭風在右為痰與火

半夏製陳皮去白蒼朮炒白茯苓枯芩酒炒各一
錢氣虛者加人參去蘆黃耆蜜炙各一錢水二鍾
煎一鍾食後溫服

至靈散 治偏頭風

惟黃耆細切等分為末每以一字吹鼻上左吹右
右痛吹左

又方

火消一兩雄黃乳香沒藥川芎石膏各一錢全蝎
一對炙為細末口含冷水以藥吹鼻醫統

又方

川芎細剉酒浸食後飲之斗門方

又方

川烏南星等分為末葱汁調塗太陽穴經驗方
又方

鱧腸草即旱蓮草取汁隨左右滴鼻中聖濟總錄

又方

生蘿蔔汁一蜺殼仰卧隨左右滴鼻中神効活人不可勝數如宜方

偏頭風痛不可忍

乳香蓖麻仁等分搗餅隨左右貼太陽穴仍解髮

出氣甚驗本草綱目

又方

蓖麻仁半兩新煉肉十五枚烏金紙上卷筒挿入鼻中即止本草綱目

又方

穀精草一兩麩糊調攤紙貼疼處乾換之集驗方

又方

穀精草銅綠各末一錢消石五分隨左右吹鼻聖濟方

濟方

偏正頭疼不可忍

玄胡索七枚青黛二錢牙皂二箇去皮子為末水和丸如杏仁大每以水化一丸灌病人鼻內隨左

右口咬銅錢一箇當有涎出成盆而愈 永類方

又方

倒鈎棘針四十九箇燒存性丁香一箇麝香一皂子大為末隨左右啗鼻 聖惠方

又方

蚱蟬二枚生研乳香焙硃砂飛各等分丸小豆大每用一丸隨左右納鼻中出黃水為効 聖濟總錄

多年頭風 四方

偏正頭風久不除者

晴明時將髮分開用麝香五分皂角末一錢薄紙裹置患處以布包炒鹽於上熨之冷則易如此數次即不再發 簡便單方

又方

苦瓠瓢取汁以葦筒灌入鼻中其氣上衝腦門須臾惡涎流下其病立愈除根勿以昏運為疑或以其子為末吹入鼻亦効 普濟方

又方

蘄艾揉為丸時匕嗅之以黃水出為度 青囊雜纂

又方

楊梅為末每食後薄荷茶服二錢朱氏集驗方

腫響七方

頭面忽腫係風熱內攻或連手足觸着即疼

牛旁子根洗淨搗爛煎濃汁濾去渣熬成膏絹攤

貼腫處仍以酒服二匙腫消疼止斗門方

雷頭風諸藥不効

升麻一兩蒼朮一兩為末每服五錢水一盞煎七

分用全術裝一箇壳研爛煎藥食後服保命集

雷頭風腫不省人事

掃帚子同生薑研爛沖酒服取汗即愈全濟總錄

頭中或鳴響狀如虫蛀以茶子為末吹少許鼻中取効醫方摘要

又方

皂角末吹鼻取嚏斗門方

胃風湯治見論

人參去蘆白茯苓川芎官桂當歸頭酒浸白芍藥

酒炒白朮炒水二盞煎八分食後熱服和劑局方

調胃承氣湯 治見論

大黃芒消甘草各二錢水一大盞煎七分去渣內消再煎沸服 仲景方

旋運 四方 六卷眩運門可參看

頭風旋運眩胃

用鴟頭一枚 卽鴛頭灸黃真間茹白朮各一兩川椒半兩炒去汗爲末蜜和丸梧子大每酒下二十丸 聖惠方

喘無力以言心神顛倒目不敢開如在風雲中頭疼

若掣身重如山四肢厥冷

黃芩酒炒三分乾薑炒四分澤瀉白茯苓天麻黃耆蜜炙人參去蘆蒼朮炒各七分神麩炒白朮炒各一錢麦芽炒半夏製橘紅各一錢半水二盞姜三片煎一盞食後稍熱一服而愈此頭疼苦甚非此不能除 東垣方

又方

蟬殼一兩微炒爲末酒下一錢白湯亦可 聖惠方

凡人登車坐船眩運煩悶頭疼欲吐者

用徐長卿石長生車前子李根皮各等分搗碎以

方囊盛半合繫于衣帶及頭上則免 肘後方

①眉 ②稜 ③骨 ④疼 三方

治方

白芷片芩酒炒等分為末每服二錢食後茶清調

下丹溪纂要

腦疼連眉稜痛不可忍

殺清草二錢乾地龍倍三錢乳香倍一錢為末每用半錢燒烟筒中隨左右熏鼻 聖濟錄

頭痛連目

牛旁子炒石膏煨等分為末茶清調服 醫方摘要

心疼門

通治

暴疼

久疼

積疼

蟲疼

胃膈疼

論丹溪曰心痛即胃脘痛也雖日數多不喫飲食

不死若痛方止便飲食還痛須三五服藥後方可

喫物

大凡心膈之痛須分新久若明知身受寒氣口食

寒物及心病當以溫散或溫利之藥如豆蔻丁香
之類稍久則成鬱熱原病式中備言之矣若久病
鬱熱者欲行溫散寧無助火為病乎故古方多以
山梔為熱藥之向導則邪伏而病易退正氣復而
愈矣大槩胃口有熱而作痛非山梔子不可宜用
二陳湯加蒼朮倍加炒梔痛甚者加炒乾薑從之
病人有因平日喜食熱物以致死血流於胃口作
痛用菴仁承氣湯下之必須問明

以手按之衣止者快也以一陳湯少乾薑加之
有面上白斑唇紅能食時作時止者虫也先用肉
汗或蜜引虫頭向上然後用打虫藥苦棟根錫灰
之類治之

痛甚者脉必伏用溫藥附子之類不可用參朮
心疼有九種皆心之胞絡痛也真心疼者手足青
至節且發夕死夕發旦死

心下胃口作痛者脾痛也脾虛有痰每七停聚不
散或滿或脹或不思食

心痛用山梔等藥止後復作用前藥必不効只用

玄明粉一錢白湯調下効

無葉處以塩置刀頭上燒紅淬入水中乘熱飲之

吐痰立愈

通治十六方

九痛丸 治九種心痛一蟲二疰三風四悸五食六

飲七冷八熱九氣也并治落馬墮車瘀血中惡等證

用狼毒灸香吳茱萸湯泡巴豆去心炒研取霜乾

薑炮人參去蘆各一兩附子炮去皮三兩為末煉

九種心痛及腹脇積聚滯氣

乾漆一兩搗炒烟盡研末醋煮麩糊丸梧子大每

服五丸至九九熱酒下簡要濟衆

九種心疼

當太歲上取新生槐枝一握去兩頭用水三碗煎

取一碗頓服千金方

又方

胡椒四十九粒乳香一錢研勻男用生薑湯女用

當歸酒下一方用胡椒綠豆各四十九粒研爛酒

下寿域方

又方

桂心二錢半為末酒一盞半煎半盞飲聖惠方

心氣刺齧痛

自然銅火煨醋淬九次研末水飛過醋調服一字

卽止衛生易簡方

又方

薑黃一兩桂心去麤皮三兩為末醋湯調服二錢

又方經驗方

水紅花為末熱酒服二錢又法男用酒水各半煎

服女用醋水各半煎服摘玄方

又方

郁李仁三七枚嚼爛以新汲水或溫湯下須更疼

止却呷薄荷塩湯數口姚和衆至宝方

心疼或連腰臍

用塩如鷄子大青布裹燒赤納酒中頓服當吐惡

物自愈甄權藥性論

普門醫品

卷十七

心疼

十七

吳暉堂

又方

煇消雄黃飛各一錢研細末每點少許入背內男
左女右 集玄方

一切心痛不可忍

玄胡索末三錢温酒調下即止 本草綱目

又方

晚蠶沙一兩滾湯泡過濾淨水服即止 瑞竹堂方

又方

乳香焙三兩真茶四兩為末以臘月鹿血和丸彈
子大每服温酒化下一丸 瑞竹堂經驗方

沒藥散 治全上

沒藥焙乳香焙各三錢另研川山甲五錢炙木鱉

子四錢炙去殼為末每服半錢或一錢酒半盞煎

温服不拘時 宣明論

暴疼 二十五方

卒急心痛牙關緊閉欲絕

卒急心痛牙關緊閉欲絕

老葱白五莖去皮鬚搗膏以匙送咽中灌以麻油
四兩但得下咽卽甦少頃垂積皆化黃水而下永
不再發瑞竹堂方

又方

蔥花五合吳茱萸三兩水二碗煎碗半去渣分二
服崔元亮方

又方

桑耳燒存性熱酒服二錢集簡方

醃云一箇烏梅二箇棗七箇杏仁一處搗男酒女
醋送下之不害心疼直到老本草綱目

又方

以芥末熱酒調服日華方

又方

乳香沒藥各焙當歸尾酒洗白芷川芎各半兩羌
青炒去足翅一兩爲細末每用半錢先點好茶一
盞次將藥末摻上不得吹攪急細呷之宣明論

又方

辛門醫品
用醋浸蒜一三年者食數顆効如神瀕湖集簡方

又方

乾薑末米飲服一錢外臺秘要

又方

布裹椒安疼處用熨三熨令椒熱卽止孫真人方

又方

歌云心頭急疼不可當我有仙人海上方菡萏醋煎通口服管教刻下便安康本草綱目

雞舌香卽母丁香爲末空心酒服一錢肘後方

又方

菴仁七枚去皮尖研爛水一合服之肘後方

又方

五靈脂炒一錢半乾薑炮五分爲末熱酒服立愈
加玄胡索一錢更良事林廣記

又方

用鍋底墨研細熱小便調下二錢卽止千金方

又方

以車轄內油脂和熱酒服之開室本草

又方

用黃蠟燈上燒化九芡子大百草霜為衣井水下
三九 本草綱目

又方

五倍子生研每服一錢鐵杓內炒黑色為度以好
酒一鍾傾入杓內服之立止邵真人經驗方

又方

卒心疼及婦人血氣疼

以米醋磨青木香一盞極効 本草綱目

一切心腹冷疼及中惡心疼

吳茱萸三兩酒二升煎二沸分二服楊氏產乳

冷心疼

鴿屎燒存性熱酒服一錢効 本草綱目

又方

蓼根一握洗淨碎剉浸酒温服 斗門方

心腹冷痛尿不和者

山梔子川烏頭等分生研爲末酒糊丸梧子大每
服十五丸生薑湯下小腸氣疼加小茴香葱酒下
二十九 王氏普濟方

心腹冷氣拗痛

菖蒲一二寸槌碎吳茱萸等分煎湯飲之凡卒患
心痛嚼一二寸熱湯或酒送下亦効 本草綱目

心疼小腹疼及膀胱氣疼手足厥冷疼不可忍者

熟附子鬱金橘紅各一兩爲末醋糊丸芡實大硃

火高衣并服一
丸
五方

久患心腹疼發卽歎死時發時止服此可絕根

蓬莪茂二兩醋煮木香一兩煨爲末每服半錢淡
醋湯下衛生家室方

心脇刺痛纏綿無時

卮子三七枚燒川芎一錢共爲末溫水服 肘後方

積年心痛不可忍不拘十年五年隨手見效

小蒜濃煮食飽勿着鹽 兵部手集

又方

大山厄子九粒炒焦水一盞煎七分入生薑汁飲之立止復發者加玄明粉一錢丹溪纂要

心疼而發熱煩渴者

青黛一錢薑汁調服 醫學正傳

積疼十一方

治因痰涎積聚心腹疼痛日夜不止或乾嘔

用蚌粉一兩以巴豆七粒同炒赤去豆不用以醋和粉為丸梧子大每服二十九薑酒下臍腹痛茴

食積心痛

陳神翅一塊燒紅淬酒二碗服之 摘玄方

又方

紅麴香附乳香等分為末酒調服 摘玄方

心腹脹疼氣短欲絕及中惡

桂二兩水一升二合煎八合頓服之 肘後方

心腹脹堅痛悶欲死

鹽半盞水一升煎服吐下即愈不吐更服 梅師方
氣厥心疼不可忍者

海石 海粉亦可 香附米醋炒 川芎 山梔 各錢半 生薑汁一小盞 共煎 辣為佳服 卽愈 經驗方

又方

烏藥水磨濃汁一盞 入橘皮二片 紫蘇三五葉 煎服 集簡方

又方

青木香 卽馬兜鈴根 牙皂角 炙各一兩 為末 糊丸 梧子大 每空心湯服五十丸 攝生方

大川芎一箇 為末 燒酒服之 孫氏集效方

菴仁承氣湯 治見論

菴仁十箇 去皮 尖官桂 甘草炙各一錢 大黃二錢 半芒消一錢 半水二鍾 煎一鍾 去渣 納消 再煎 沸 溫服 仲景方

二陳湯 治見論

半夏 陳皮 茯苓 各二錢 甘草一錢 生薑五片 水二鍾 煎一鍾 溫服

蟲疼 十方

諸蟲心疼多吐清水

鱧鱺魚淡煮飽食三五度即瘥 外臺方

蛇蟲心疼如刺口吐清水

熟艾一升水三升煎一升服即吐蟲出或取鮮艾

搗汁五更食煎肉一片次飲艾汁蟲即下 肘後方

蟲心痛唇白吐水

薏苡根一片切水七升煮三升服蟲盡出 梅師方

又方

魏林... 碗... 出... 吐... 水... 七... 升... 煮... 三... 升... 服... 蟲... 盡... 出... 梅... 師... 方

又方

葱白二寸鉛粉二錢搗丸服之即止葱能通氣粉

能殺蟲也 楊氏經驗方

又方

香油一小鍾冷服之効 肘後方

蟲咬心疼面清口中沫出欲死

蒲蓄十斤洗剉以水三十碗煎至七八碗瀝去渣

煎如膠飭隔宿勿食空心服一盞蟲即下仍常煮

汗作飲食小兒多有此病最宜服之食療本草

又方

七月七日采蒺藜子陰乾搗去刺為末水調服二錢日三服外臺秘要

又方

芫花一兩醋炒雄黃一錢為末每服一字温酒或湯下乾坤生意

心痛吐水不下飲食蟲也

權子大每服七丸薑瀝下

心脾蟲痛不拘男女

五靈脂水淘炒乾楨榔等分為末水煎石菖蒲調服三錢海上方

附胃膈疼 五方

胃脾痛徹心背喘促欬唾短氣喉中燥痒

栝樓實一枚薤白半斤白酒五升煎二升分二服張仲景方

胃脾急痛如錐刺不得俛仰自汗出或至死

取生韭或根五斤洗搗汁服之並治心痛或以韭
汁和五苓散為丸尚香湯下治腎氣上冲心痛者
極効本草綱目五苓散方見七卷霍亂門

又方

雞心檳榔高良薑各一錢半陳米百粒水一鍾煎
五分服直指方

又方

枳實炒為末湯調二錢日三服肘後方

或子母相傳

香附米醋浸高良薑酒洗七次各畧炒為末俱各
封貯因寒者良薑二錢香附一錢因氣者香附二
錢良薑一錢因氣與寒者等分並以熱米湯入生
薑汁一匙食塩一捻調下不過六七服即愈永不
再發方外奇方

腹痛門

通治 熱痛
寒痛 積滯痛

論丹溪云腹痛有寒有熱有死血積食濕痰宜于

各類求之

戴氏曰寒痛者綿亾痛而無增減者是熱痛者時作時止者是死血痛者痛有常處不行移者是食積痛者痛甚欲大便利後痛減者是濕痰痛者凡痛必小便不利其有或痛或止痛定則能食肚大青筋嘔吐清水者虫也與本卷心痛門可參看若從心下至少腹鞭滿而痛小便利者則是畜血之證小便不利者則是溺瀦之證

並兼黃香附子之類不可峻用利藥下之蓋食得寒則凝熱則化也更兼行氣快氣之藥服之無不愈者

腹痛以手按之而痛甚手不可近者皆實也宜大黃芒消之類下之腹痛以手按之痛減者虛也宜芍藥湯清之跌撲損傷而痛是瘀血宜棗仁承氣湯兼當歸紅花蘇木下之飲食過傷而痛宜木香枳榔丸下之

腹中鳴有聲乃火擊動其水也宜二陳湯加梔子

卒連之類

有卒然心腹大痛欲吐不吐欲瀉不瀉唇青厥逆
死在須臾此內因食積外感寒邪為乾霍亂之候
急以鹽湯灌之以鵝翎探吐取涎而愈

臍下忽大痛人中黑色者死

治七方

腹痛不思飲食冷熱皆宜

山梔子川烏頭等分生研為末酒糊丸梧子大每

治四時腹痛

白芍藥甘草炙各三錢煩渴及一陣痛一陣止者

屬熱加黃芩二錢綿白糖而止痛者屬寒加桂皮

二錢水二鍾薑三片煎一鍾溫服用藥法象

小腹疼滿不得小便

雄黃為末蜜丸塞陰孔中雌黃亦佳傷寒類要

卒然腹痛

令人騎其腹溺臍中用後方

芍藥湯 治血虛腹痛

音門醫品

卷十七

腹痛

二十九

撰揮堂

白芍藥炒三錢甘草炙一錢夏月加黃芩五分惡寒加肉桂一錢冬月再加桂一錢水二盞煎一盞溫服用藥法象

絞腸沙痛 詳見七卷霍亂門

蕎麥麩一撮炒熱水調服 本草綱目

煩入腹痛

沒藥末二錢酒服 圖經本草

熱痛 四方

黃芩炒二錢白芍藥炒一錢山梔仁炒各一錢半川芎

厚朴薑製滑石飛各一錢水二鍾煎一鍾服

加味承氣湯 治臟腑積熱及瘀血停食胸腹脹疼

大黃煨二錢枳實炒厚朴薑製當歸尾紅花各

一錢水二鍾煎一鍾去渣入芒消二錢再煎沸服

卒患腹疼煩渴者

山豆根水研半盞入口即定 本草綱目

二陳湯 治見論

方見本卷心痛門

寒痛 九方與四卷寒證門忝看

中寒腹痛及脫陽證四肢厥冷不省人事或小腹緊
疼冷汗氣喘腎囊縮入

炒鹽極熱包熨臍下取煖愈冷則易之 按急方

回陽急救湯 治中寒腹痛口吐涎沫或吐瀉戰慄

面如刀刮及傷寒初起無頭痛身熱便怕寒拳卧四

肢厥冷

人參去蘆白朮炒茯苓去皮陳皮半夏製乾薑肉

二鍾薑三片煎一鍾溫服

腹疼先因慾事後感寒氣六脉沉緊小腹絞疼四肢

逆冷嘔吐清水不服此藥無以回陽

人參乾薑炮各一兩生大附子一枚破作八片水

四升煎一升頓服脉出身溫即愈 吳綬方

陰毒腹痛厥逆唇青卵縮六脉欲絕者

用葱一束去根及青留白二寸烘熱安臍上以熨

斗熨之葱壞則易良火氣透手足溫有汗即愈仍

服四逆湯若熨而手足不溫者不可治 南陽活人

書四逆湯方見三卷傷寒門

小腹牽疼連陰卵間疼痛攣急不可忍

小茴香苗葉搗汁一升服之日三四服以其滓貼

腫疼處冬用根范汪方

冷氣腹疼

吳茱萸二錢搗爛入酒一鍾先用香油一盃入鍋

煎熱後以茱酒傾入煎滾服之立愈唐璠經驗方

又方

鰾服即愈

又方

燒酒溫飲汗出即止本草綱目

又方

用本人頭髮三十根燒過酒服即以水調芥子末

封臍內大汗如雨即愈談野翁方

五積散 治外感風寒內傷生冷而腹疼者

方見四卷寒證門

積滯痛三方

木香檳榔丸 治飲食停滯腹疼

木香檳榔青皮陳皮莪朮煨黃連炒枳殼炒各一兩當歸香附子炒黃礬炒大黃生各三兩牽牛四兩研細末水丸梧子大每服五十九空心薑湯下
備急丸 治腹脹疼大便不通

方見五卷內傷門

垂仁承氣湯 治見論

方見本卷心疼門

普門醫品卷之十八

明諸城王化真背乾父原編

廣寧後學郎廷模貞若父重梓

男 文炯 姪 文燾 全較

腰痛門

通治 風寒濕痛 墜閃傷痛

論腰者腎之外候一身所恃以轉移闔闢者也諸脉皆貫於腎絡於腰脊腎氣一虛腰必痛矣轉搖不能腎將憊矣除墜傷於虛無涉外其風寒濕熱雖有外邪皆乘虛相犯醫者不可不究其本也

戴氏曰日夜悠悠痛而不可已者腎虛也日輕夜重者血虛也遇天陰或久坐而痛者濕也

有腎着證其體重腰冷如水飲食如故小便自利

腰以下痛冷而重治宜疎濕兼用溫藥

腰痛甚者不宜補氣亦禁寒冷

通治二十方

青娥丸 治腎氣虛弱風冷乘之或血氣相搏腰疼如折俛仰不利或勞役閃墜傷損及風寒濕證

胡桃仁二十箇去皮研爛蜜丸棗子大空心溫酒

服六十九婦人淡醋湯下和劑局方

揩牙法 治一切腰疼

香附子五兩以生薑二兩取自然汁浸一宿炒黃

為末入青鹽二錢擦牙數次其痛即止 乾坤生意

又方

橘紅杜仲各二兩炒研每服二錢鹽酒下 簡便方

腰痛如刺

八角茴香炒杜仲炒各三錢為末水一鍾酒半鍾

煎七分入木香末五分温服簡便方

又方

八角茴香炒研每服二錢食前塩湯下簡便方
腰疼不可俛仰

鼈甲炙研末酒服二錢日二服肘後方

腰疼不止

絲瓜燒存性爲末每温酒服二錢筆峯雜興

腰疼及遍體作疼殆不可忍

藥進以止爲度 必薑秘藥末温酒服

腰脊疼

三月三日采桃花一斗一升并華水三斗米五斗
麴六升如常釀酒每服十餘杯日三神効千金方

腰膝疼或頑麻無力

兔絲子淘牛膝各一兩同入砂器内酒浸一日夜
暴乾爲末將原酒煮糊丸梧子大每空心酒服五
十九經驗方

又方

猪腰子一枚去筋膜切片以椒盐腌去腥水入杜仲末三钱荷葉包煨食之空心温酒下 本草權度

又方

天麻半夏細辛各二兩絹袋二箇分勻盛之蒸熟交互熨痛處汗出則愈數日再熨 衛生易簡方

腎虛腰疼

破故紙一兩炒為末温酒服三钱神效或加木香一钱 經驗方

大茴香炒研以猪腰子批開去膜掺末于内濕紙

裹煨熟空心食之塩酒送下 戴元禮要訣

又方

大豆炒二升酒三升煮二升空心頓服 肘後方

又方

杜仲去皮炙黃一斤分十劑每夜取一劑水一升浸至五更煎半升去渣以羊腎四枚去膜切下再煮三五沸如作羹法和以椒塩空腹頓服 元亮方

腎虛腰痛不能轉側

鹿茸灸兔絲子淘各一兩舶茴香半兩爲末以羊
腎二對去膜酒煮爛搗如泥和丸梧子大陰乾每
服三五十九空心溫酒下日三服 本事方

又方

鹿角屑三兩炒黃研末空心溫酒服二錢 用後方

氣滯腰疼

青木香末乳香各二錢酒浸飯上蒸攪勻空心溫

酒調服 聖惠方

婦人血氣虛心腹作寒及腰疼者
蓬莪茂乾漆各一二兩爲末酒服二錢腰痛核桃酒
下普濟方

風寒濕痛 八方

風冷傷腎腰背常痛

杜仲一斤切炒酒二升浸十日日服三合或爲末

入補骨脂減半每日溫酒服二錢 陶隱居得効方

腰腿風痛不能履地

皂莢子一千箇洗以酥油炒香爲末蜜丸梧子大

每空心以蒺藜子酸枣仁煎湯下三十九 千金方

腰脚不隨孳急冷痛

虎脛骨五六寸刮去肉膜塗酥灸黃耆細絹袋盛之以瓶盛酒一斗浸之塘火微温七日後任情飲之當微利便効也本草綱目

又方

虎腰脊骨一具前兩脚全骨一具並于石上搗碎安鐵床上武火灸待脂出則投無灰酒中密封春夏七日秋冬三七日任性日飲三度患十年以上

濕氣腰痛

車前草連根葱白連鬚各七科枣七枚酒煮瓶盛常服終身不發簡便方

腰脚冷疼

草烏去皮臍研末醋調貼患處立止十便良方

腰脊引疼

蒺藜子搗末蜜丸梧子大每二十九食前淡塩湯下日三外臺秘要

卒然腰痛

大豆六升拌濕炒熱布裹熨之令即易之 延年方

閃墜傷痛 入方

白苕散 治一切顛墜閃挫腰痛不可忍

白蒿苕子炒三兩白粟米炒一兩乳香焙沒藥焙

烏梅肉各半兩為末煉蜜丸彈子大每食前嚼一

丸熱酒下 本草綱目

又方

冬瓜皮燒研食前酒服二錢 玉机微義

續猪腎一枚批片以塩椒淹過入製甘遂末三錢

荷葉包煨熟食前食之温酒送下 儒門事親

又方

用神麴煨過淬酒食前服極効 本草綱目

又方

蒔蘿作末食前酒服二錢 永類鈴方

又方

橙核燒存性為末酒服三錢即愈 攝生方

打墜腰疼瘀血凝滯

破故紙炒茴香炒肉桂等分爲末空心熱酒調服
二錢直指方

又方

赤雹兒燒存性研末空心酒服一錢集簡方

脇痛門

論脇痛有肝火盛木氣實有死血有痰

丹溪曰治脇痛要分人之肥瘠強弱肥白人氣虛

痰氣虛而脇痛一用參朮氣虛者必用黃芩根熱飲
香青皮及調氣瘦人發熱熱脇痛多怒者必有瘀血

宜桃仁紅花青皮大黃之類行之

肝盛木氣實肝病木氣鬱皆令脇痛或死血瘀血

惡血停留于肝歸于脇下而痛引以腹其病即自

汗按之痛益甚並宜破血利氣

凡脇痛偏左者皆肝經積滯或中風寒或肝膽實

火宜詳實虛而治之偏右疼者屬脾肺爲食積爲

痰飲煎欬而有痰是也若脇下有水聲者飲也

通治十方

脅下疼痛

地膚子為末酒服二錢壽域神方

又方

棘針鈎一合焙槌榔二錢半水一盞煎五分入好酒半盞更煎三五沸分二服經驗方

又方

吳茱萸研末醋調傅之或入醋炒熱熨之或以葱韭熨之亦効

腰脅刺痛不可忍

鳳儂花子研餅曬乾為末空心酒服三錢急嗽口勿令藥近牙本草綱目

枳殼散 治脇痛如有物插

枳殼麩炒二兩半甘草炙七錢半為末每服三錢葱白湯調服

枳芩散 治左脅刺痛不可忍

枳實麩炒川芎各三錢甘草炙一錢水盞半薑三片棗一枚煎八分食前溫服二服愈東垣方

推氣散 治右脅痛甚脹滿不食

普門醫品

卷十八

脅痛

九

娛暉堂

片薑黃枳殼麩炒桂心各半兩甘草炙三錢為細末每服二錢薑湯下和劑局方

寒疝引脅肋心腹皆痛諸藥不効

大烏頭五枚去角四破以白蜜一鍾入水二碗煮透焙為末別以煉蜜和丸梧子大每服二十九食前冷塩湯下崔氏方

又方

小茴香一兩炒枳殼五錢麩炒為末每服二錢食

前虛湯調服申助補 治婦人血氣壅痛

白芍藥炒玄胡索炒肉桂各一兩香附子一兩半醋一升塩半兩同煮上藥乾為極細末每服二錢白湯調服不拘時

背痛門

附項強

論背連腰脊強者太陽經風寒也宜散寒若背脹而痛槌打稍愈為痰壅氣滯宜豁痰散氣肩背痛不可迴顧者太陽經氣鬱而不行也脊痛

山門醫書
項強腰似折項似拔者太陽經氣不通也俱宜通氣防風湯

肩背痛如負重身体沉着此寒湿也宜用羌活勝濕湯加防已附子

通治三方

豁痰湯 治肩背疼痛飲酒有痰者更宜

半夏製梔子炒各一錢陳皮海桐皮枳殼麩炒各八分桔梗赤芍芍藥炒蒼朮炒香附各七分白茯苓

去殼六分分煎八分食遠熱服痛甚加枳殼一分

通氣防風湯 治見論

羌活獨活各一錢藁本防風川芎各八分蔓荆子甘草炙各五分水鍾半薑二片葱白一根煎七分食後服 按萃方

羌活勝濕湯 治見論

羌活蒼朮炒白朮炒白茯苓各一錢藁本防風各八分白芷蔓荆子各七分升麻六分甘草炙防已大附子製各五分水二盞煎八分食後服

附項強

木瓜煎 治項頸強直不得轉移

宣州木瓜二箇取蓋去穢納入沒藥乳香各一兩
用原蓋縛定飯上蒸三四次爛研成膏每服三錢
生地黄汁半盞無灰酒一盞煖調服最効

又方

大豆一升蒸變色囊裹枕之 千金方

又方

穿地作坑煨赤以水洒之稍冷鋪生桃葉於內卧
席上以項着坑上蒸至出汗良久可避風 千金方

手臂痛門

論臂痛者因濕痰橫行經絡也或睡後手在被外
為寒邪所襲遂令臂痛及乳婦以臂枕兒傷於風
寒而致臂痛各求其因以治之
飲酒人熱在上焦不能清利日久醞釀生痰留飲

濕邪鬱於項臂不腫則痛

薄桂能橫行手臂領南星蒼朮以成其功

通治十三方

二木湯 治痰飲雙臂作痛

蒼朮米泔浸炒一錢半白朮製同上半夏南星各
薑製黃芩酒炒香附炒白茯苓去皮各一錢陳皮
七分威靈仙甘草炙各五分生薑三片水二鍾煎
一鍾食遠溫服

甘草炙赤芍藥炒各六分水二鍾煎一鍾食遠服

茯苓丸 治痺痛兩臂不能舉左右時復轉移由伏
痰在內中腕停滯脾氣不行上與氣搏四肢不用或
兩臂如人抽拽

白茯苓二兩半夏製四兩枳殼麩炒一兩風化消

三錢為細末薑汁糊丸梧子大每五十九薑湯下

烏藥順氣散 治流痰氣滯臂疼不能舉最効

方見二卷中風門

醫門醫品
豁痰湯 治飲酒人濕痰停滯經絡作痛

方見本卷背痛門

風熱臂痛

桑枝一大握切炒水三升煎二升一日服盡許叔

微云常病臂疼諸藥不効服此數劑尋愈 本事方

臂頸痛疼不拘久近

當歸三兩切酒浸三日溫服之飲盡再浸以瘥為

度 事林廣記

虎頭骨炙黃搗碎新為藥切各二兩對羊角屑一

兩以無灰酒浸之養至七日秋冬倍之每日空腹

飲一杯若要速服即以銀器盛於火爐中暖養二

三日即可服也 兵部手集

手足腫疼欲斷

蒼耳搗汁漬之并以滓付之立效春用苗冬用子

千金方

天行風毒手足腫痛欲斷

掘地作坑深三尺燒熱灌以醇酒着屐坐於上以

衣壅之勿令泄氣 類要方

傷寒熱毒攻手足痛欲脫者

取羊屎煮汁漬之愈乃止 外臺方

又方

以熱水泡馬屎取漬汁之外臺方

又方

用猪膏和羊屎塗之外臺方

痛風門

附鶴膝風

痛風者通身骨節走注疼痛也故曰歷節風其

痛如虎噬故又謂之白虎風

病源曰是血氣虛由飲酒奏理開汗出當風所致

或因調護不謹以致風寒襲之邪氣徧歷關節與

氣血相搏而痛非常

歷節風因風寒濕襲於關節者多亦或有濕痰流

注凡痛楚夜甚而晝稍輕者為風寒勝也無風晝

夜皆劇者為濕痰也濕勝者則惡飲食而時作嘔

吐也

通治 二十七方 與本卷痺證門參看

歷節風痛

獨活羌活松節等分用酒煮二三沸每日空心飲
一二杯 外臺秘要

歷節諸風骨節疼痛日夜走注不止

沒藥半兩虎脛骨酥灸三兩為末每服二錢溫酒
調下 圖經本草

又方

三年陳米醋五升煎五沸切葱白三升於內再煎
一沸漉出以布染乘熱裹之痛止乃已 外臺秘要

又方

炭灰五升蚯蚓泥一升研細紅花七把和炒以醋
拌之用故布包作二包更互熨痛處 聖惠方

又方

松葉搗汁一升入酒和煎每服一合日三 千金方
歷節諸風百節酸痛不可忍

松脂三十斤鍊五十遍以煉淨酥油三斤攪令極稠每食前酒服二錢日三服救食麩粥為佳忌腥冷酸物果子一百日外臺秘要

又方

虎頭骨一具塗醋炙黃槌碎絹袋盛置二斗清酒中浸五宿隨性飲之聖惠方

烏頭湯 治歷節風痛不可屈伸及治脚氣癢痛

川烏一枚用蜜四合煮二合去川烏用蜜麻黃白

合煎入分去渣空心服

又方

用羊蹄根於生鐵上以好醋磨旋刮取汁塗患處即愈如不愈入硫黃末塗之聖惠方

骨節疼痛

用少壯人於痛處隔單衣更互呵之久七經絡通透自愈本草綱目

又方

鹿角炒存性為末酒服二錢

又方

虎骨酥炙一兩半通草一兩水二碗煎一碗空心服覆卧汗出為効切忌熱食損齒小兒不可與食恐齒不生食療本草

桃仁丸 治一切風毒遍身痛疼

生草烏五靈脂炒各三兩桃仁霜一兩研細酒糊丸梧桐子大青黛為衣食後温酒下十五丸宣明方筋骨疼痛不拘風湿氣楊梅毒及女人月家病先用

此藥止來火後調理 朝馬齒竟一 濕馬齒竟二斤五加皮半斤蒼朮

四兩春碎以水煎湯洗浴急用葱薑搗爛冲熱湯三碗服之暖處取汗立時痛止 海上各方

風毒骨節疼膝攣

豆豉一升九蒸九曝以酒五升浸一宿空心隨意温飲之食醫心鏡

骨髓風毒疼痛不可運動

火麻仁水浸取沉者一升曝乾於砂鍋中旋火慢炒香熟入石臼内搗萬餘杵如粉分為十劑每劑

用無灰酒一大碗和勻煎至減半瀝去滓空腹温服四五帖見效 餘中方

風湿走痛

牛皮膠一兩薑汁半盞同化成膏攤紙上熱貼之冷即易甚効或加乳香沒藥各一錢 普濟方

歷節腫痛風熱所搏手指赤腫麻木甚則肩背足膝亦皆腫痛或大便秘

牛旁子三兩新豆豉羌活各一兩為末每服二錢 歷節風及風痺半身不遂肉理枯脆生蟲遊走痒痛

用真川椒紅色者去合口及子以草紙二層隔炒出汗取放地上砂盆蓋定以灰密遮四傍約一時

許春去黃殼為細末以酒糊為丸梧子大每服四十九上部痛用桂枝煎湯下下部疼用鹽湯下腰

疼用茴香湯下 三因方
通天再造散 治歷節風疼有蟲

生大黃一兩皂角刺一兩半為末每二錢臨夜冷酒調下當瀉蟲越三日又進一服候蟲盡乃已

一粒金丹 治腰膝走注痛如虎咬

草烏五靈脂好墨當歸酒洗各一兩白膠香半斤
木鱉子去殼地龍去土各二兩乳香沒藥各五錢
麝香五分各為末同研勻米粉糊丸梧子大每服
三十九丸温酒下微汗愈 醫鑑

手足冷痛如虎咬者

樟木屑一斗急流水一石煎極滾泡之乘熱安手
足于桶上熏之以衣物隔住勿令藥氣入目其效

解骨疼痛因患楊梅瘡服輕粉留毒年久不愈者

葳靈仙二斤浸酒三十斤封煮一炷香出火毒逐

日飲之以愈為度 經驗方

又方

用野薔薇根白皮水洗三斤酒十斤煮一炷香每
日任飲以愈為度 本草綱目

又方

赤雹子炒開口為末酒服一錢日二服 集簡方
凡人身上忽有一處如打撲之狀不可忍走注不定

靜時其處冷如冰雪皆暴寒傷之也

以白酒煮楊柳白皮暖慰之有赤點處砭去血妙
凡諸卒腫急病熨之皆愈姚僧坦集驗方

附鶴膝風

論肘膝腫痛臂節細小名曰鶴膝風以其象鶴膝
之形而名之也或止而膝腫大皮膚拘攣不能屈
伸筋腿枯細俗謂之鼓槌風皆風寒濕之流注而
為病也

鶴膝風病

酒糟四兩肥皂一箇去子芫硝五味子沙糖各一
兩薑汁半甌研勻日日塗之入燒酒更佳

膝風作疼

草烏細辛防風等分為末裝入襪中及護膝內能
除風健步扶壽方

加味小續命湯 治鶴膝風行履不得

防風桂心黃芩杏仁去皮尖炒白芍藥酒炒甘草
炙川芎麻黃去節人參去蘆各一錢四分防已二

錢附子炮七分草薜川練子獨活木瓜各八分水
二鍾煎一鍾碗中先放麝香少許將藥傾入和勻
服十貼後見効和劑局方

大防風湯 治寒濕冷氣兩膝腫疼不能屈伸

防風羌活白朮炒人參去蘆熟地黃當歸酒洗白
芍藥酒炒黃芪酒炙牛膝酒洗川芎酒洗各一錢
甘草炙七分附子製五分杜仲薑炒錢半水二鍾
薑五片棗一枚煎八分溫服和劑局方

痺證門

附錄

論經云風寒濕三氣雜至合而為痺其風勝者為
行痺 謂周身走痛不定也 寒氣勝者為痛痺 謂所
發之處痛不可忍也 濕氣勝者為著痺 謂或痛或
麻只在一處留而不去也

岐伯曰痛者寒氣多也有寒故痛也其不痛不仁
者病久入深榮衛之行瀦經絡時踈故不痛皮膚
不榮故不仁其寒者陽氣少陰氣多熱者陽氣多

陰氣少熱多汗濡者此逢濕甚也痺之爲病寒多則痛風多則行濕多則著在骨則重而不舉在筋則屈而不伸在肉則不仁在脉則血凝而不流在皮則寒此五者則不痛也凡痺逢寒則急逢熱則緩

痺之爲證有項背拘急肌肉不仁與風證相似又有腰腿重著四體不舉與痿證相似俗多混同出治此千古之惑也不知風則陽受之痺爲風寒濕傷精血虛耗故筋骨痿而不用治宜潤燥養血滋陰若痺則氣血凝滯留而不行或疼痛麻木不仁治宜行氣勝濕爲主三證大畧雖亦相似施治迥然不同痿證見下

①通治 十七方 本卷疼風門下卷脚氣門參看

五痺湯 治風寒濕三氣客留肌膚手足痛麻木不仁
羌活白朮炒防已酒浸片薑黃各一錢甘草炙七分
分水盞半薑五片煎八分食前服和劑局方

蠲痺湯 治手足冷痺腰腿沉痛項背拘急

當歸酒浸赤芍藥炒黃耆蜜炙片薑黃羌活各二錢甘草炙五分水盞半薑五片紅棗一枚煎八分不拘時服一方加防風 濟生堂方

茯苓湯 治痛痺四肢疼痛拘攣浮腫

赤茯苓去皮桑白皮炒各二兩防風官桂羌活麻黃去節各一兩半附子製甘草炙各五錢為末每服五錢水一碗棗二枚煎七分去滓溫服以薑湯

風濕冷痺腰腿俱疼

蒴藿葉火烘熟厚鋪床上趁熱眠於上冷即易之冬月取根杵碎炒熟用外臺秘要

凡風冷痺證及因水濕所致者渾身上下強直不能屈伸痛不可忍

用五積散加穿山甲七片須看病在左右上下手足或臂或脇照痛處取甲炮焦全蝎十個炒熟蔥頭三個薑五片水二鍾煎一鍾入酒一小盃再煎沸熱服取汗避風甚良德生堂經驗方 五積散方

見四卷寒證門

風淫濕痺筋節攣痛手足不舉

全蝎七個瓦炒入麝香一字研勻酒三盞空心調服如覺已透即止未透再服 直指方

風痺厥痛

天仙子三錢炒草烏頭炮甘草炙各半兩五靈脂一兩為末糊丸梧子大以螺青為衣男子菖蒲湯下女子芫花湯下 聖濟方

丸梧子大每服七丸塩湯下忌茶 普濟方

海桐皮酒 治風痺腰膝痛不可忍

海桐皮薏苡仁炒各二兩牛膝酒浸川芎酒洗羌活地骨皮五加皮各一兩甘草炙半兩生地黄十兩并洗淨細剉以絹袋盛入無灰酒二斗浸之冬二七日夏一七日取飲每空心正午臨卧各飲一盞常令微醺此方不得增減忌煎炒毒物 劉禹錫傳信方

蒸痺法 治風濕痺證腰脚疼痛不止

用荊葉不拘多少蒸熟置大甕中其下着火溫之置病人於甕中以葉擁護須臾當汗出蒸時旋以喫飯覺倦乃止以被裹之避風仍以葱豉酒及豆淋酒飲之以愈為度 海上集驗方

烏沈湯 治一切邪氣冷風麻痺膀胱腎間冷氣攻衝背脊俛仰不得及癥瘕刺痛中惡心腹痛婦人血氣疼

雷火神針法 治風寒痺痛附骨疽凡在筋骨隱痛者針之火氣直達疼處即効

熟蘄艾末一兩乳香沒藥川山甲硫黃雄黃草烏頭川烏頭桃樹皮末各一錢麝香五分為末以厚紙鋪藥艾於內緊捲如指大長三四寸收貯瓶內埋地中七七日取出用時於燈上點着吹滅隔紙十層乘熱針於患處熱氣直入病處効極速並忌冷水 本草綱目

活絡丹 治痺痛諸藥不效者

白朮炒當歸酒浸羗活獨活川芎酒洗各一錢甘草炙五分水盞半薑五片煎七分不拘時服

防風湯 治行痺上下左右行走無定

防風甘草炙當歸酒浸赤茯苓去皮杏仁去皮炒熟桂各一兩黃芩秦艽葛根各三錢麻黃半兩去節為末每服五錢酒水各一盞束三枚薑五片煎至一盞去渣溫服 河間方

溫酒調下加至一錢日三服 宣明方

茯苓川芎湯 治著痺留注不去四肢痛麻拘攣浮腫

赤茯苓桑白皮炒防風官桂川芎酒洗麻黃去節芍藥炒當歸酒洗甘草炙各等分為末每服三錢水二盞束三枚煎至一盞空心溫服如欲出汗以粥投之 宣明論方

熨法 治寒痺留不去時疼而皮不仁

川椒乾薑桂心各一斤以甕盛醇酒二十斤漬之
綿絮一斤細白布四丈并納酒中以馬糞火煨之
封固勿令泄氣五日五夜出布絮曝乾復漬以盡
其汁每漬必撈去其汁令乾乃出曬之將布縫作
袋長三尺以綿及藥滓裝入共作七袋以炭火灸
熱熨疼處或先以針刺過後熨更佳七袋更灸更
熨三十遍而止汗出以袋拭之亦三十遍而止房
內謹密不見風自愈 靈樞經

經云痿因肺熱葉焦五臟因而受之候為痿躄
心氣熱則脉痿肝氣熱則筋痿脾氣熱則肉痿腎
氣熱則骨痿

治痿之法獨取陽明陽明者五臟六腑之海主潤
宗筋宗筋主束骨而利機關也陽明熱則宗筋縱
帶脉不引故足痿不用也

原病式曰痿病皆屬肺金手足痿弱不能收持由
肺金本燥燥則血液衰少不能榮養百骸故也

張子和云痿因肺弱相傳四臟人見其所患畧與

風痺脚氣相似便作風寒濕痺脚氣治之用燥熱之藥鍼灸燔灼不思痿為燥熱而成若作風寒治是殺之也

丹溪曰痿證切不可用發散之劑痿為氣血虛主於補養補其氣以實脾土則四肢運動而筋有所滋則肺清養其血以潤燥則宗筋束骨而利機閑何痿病之有斷不可作風治而用風藥凡人覺足常熱者後必痿也多年不起者有之

加味四物湯 治諸痿 四肢無力 不能舉動

熟地黄三錢白芍藥酒炒川芎各八分當歸身酒洗麥門冬去心蒼朮炒黃檗醋各一錢五味子九粒人參黃連炒各五分知母三分杜仲炒八分牛膝酒洗六分足不軟者不用水二鍾煎一鍾空心溫服酒糊丸亦可 醫學正傳

健步丸 治膝軟無力屈伸腰腿沉重足不能行防己酒浸一兩防風澤瀉各三錢川烏炮去皮苦參酒浸各一錢肉桂五分滑石炒瓜蒌根酒製柴

胡羌活甘草炙各半兩爲末酒糊丸梧子大每服
七十九食前温酒送下 東垣方

鹿角膠丸 治血氣俱虛兩足痿弱不能行動久卧
床褥

鹿角膠一斤鹿角霜熟地黃各半斤牛膝酒洗白
茯苓去皮兔絲子酒煮人參各二兩當歸身酒洗
四兩白朮炒杜仲炒各二兩虎脛骨酥炙龜板酥
炙各一兩爲細末另將鹿角膠用無灰酒二盞溶

草薺酒製杜仲薑炒肉蓯蓉酒浸兔絲子酒煮各
四兩爲細末酒煮腰子一對取汁和九梧子大每
服七十九空心温酒下

參歸養榮湯 治痿證

人參去蘆當歸酒洗熟地黃白朮炒茯苓去皮白
芍藥酒炒陳皮黃檗酒炒知母酒炒牛膝酒洗杜
仲薑炒破故紙酒炒各一錢甘草炙五分水二鍾
煎一鍾空心温服肥人氣虛有痰加半夏去白芍

瘦人血虛有火倍當歸熟地黃

明諸城王化貞膏乾艾原編

廣寧後學郎廷模貞若父重梓

男 文炯 全較
姪 文燾

脚氣門

乾濕脚氣 脚氣冲心

脚上諸病附

論巢氏病源云凡脚氣病皆因感風毒所致初得此病多不即覺飲食嬉戲氣力如故當熟察之其狀自膝至脚或痺或隱如蟲所緣或脚膝及脛指灑七覺寒或脚屈弱不能行或微腫或酷冷或

實麩炒五分水盞半煎七分温服 東垣方
脚氣掣痛初發

取土烏藥不犯鐵器布揩去土磁瓦刮屑好酒浸
一宿次早空心温服溏瀉一二次即愈入麝少許
尤佳痛入腹者以烏藥同雞子于瓦器中水煮一
日取雞子切食以湯送下甚効 永類鈐方
一切脚氣疼痛

鹽三升蒸熱分裹近壁以脚踏之令脚心熱夜七

新舊脚氣

血竭乳香焙燥等分同研以木瓜一個剜孔入藥
在內以麪厚裹砂鍋煮爛連麩搗丸梧子大每温
酒服三十九忌生冷 奇効方

又方

用荆條于罈中燒烟熏湧泉穴及痛處使汗出則
愈 永類方

脚氣腫痛

木鼈子仁每個破作兩片麩炒過切碎再炒去油
盡爲度每兩入肉桂半兩爲末熱酒調服二錢令
醉得汗愈 夢授秘方

又方

樟腦二兩烏頭三兩爲末醋糊丸彈子大每置一
丸按扁于足心踏之以微火烘之衣被圍覆汗出
如涎爲効 醫林集要方

又方

桃花陰乾爲末每溫酒細呷二錢一宿卽消外臺
秘要

又方

木瓜切片囊盛踏之 名醫錄

又方

貓兒眼睛草鷺鷥藤蜂房等分每用一兩水五碗
煎三碗熏洗之 衛生易簡方

又方

甘遂半兩木鼈子仁四個爲末用猪腰子一箇去
皮膜切片以藥四錢摻在內濕紙包裹煨熟空心
食之米飲下大便行後喫白粥二三日 本事方
二朮散 治全上

蒼朮白朮各用米泔浸去皮切炒牛膝酒洗各三
錢黃酒一鍾水二鍾煎至一鍾空心服出汗愈

脚氣腫痛煩渴

四月桑茂時採葉陰乾收好十月霜後葉落四分

又方

火麻仁炒香研水取汁三升入赤小豆半升煮熟
空心食豆飲汁外臺秘方

脚氣腫痛成瘡

水蓼煮汁漬搗之根莖亦妙 唐本草

脚氣浮腫心腹滿大小便不通氣急喘息

郁李仁一兩去皮搗爛水研絞汁薏苡仁搗成糝
三合同煮粥食之 帝宙獨行方

脚膝浮腫

荷葉心蒙本等分煎湯淋洗之 永類方

又方

桑條二兩炒香以水一升煎二合每日空心服之
聖濟總錄

脚氣骨節腫痛服此進飲食健氣力不怠事

五加皮去木遠志去心各四兩俱酒浸春秋三日
夏二日冬四日日乾為末以酒浸糊為丸梧子大

每服四五十粒茶心溫酒下 脚氣浮腫方

用黃牛尿入塩炒熱罨之 王永輔惠濟方

傷濕脚腫

葱莖葉煮湯漬之日三五次極妙 常宙獨行方

脚氣腫久不瘥方

生黑附子一箇去皮臍為末生薑汁調如膏塗之

藥乾再塗腫消為度 簡要濟衆方

脚氣作疼

蓖麻子仁七粒研爛同蕪合香丸貼足心即止外

聖秘要

又方

無名異為末化牛皮膠塗之類換 易簡方

脚氣走痛

蘿蔔煎湯洗之仍以蘿蔔晒乾為末裝襪內 聖濟

總錄

脚氣筋骨引痛

金銀花為末空心熱酒調下一二錢 衛生易簡方

大空心以浸藥酒下每服二十九常服 本草綱目

脚筋攣痛

木瓜數枚酒水各半升煮爛搗膏乘熱貼於痛處

以帛裹之冷即換日三五度 食療本草

腰脚沉重疼痛

歲靈仙末蜜丸桐子大温酒下八十九利惡物如

膿膠即是風毒積滯未利再服一百丸利後食粥

補之仍調養一月 集驗方

腰脚冷痛

草烏頭三箇去皮臍研末醋調貼之 十便良方

風濕脚氣

鍼砂川烏頭為末和勻炒熟帛包熨之 摘玄方

風濕膝痛脚氣虛汗少力陰間常濕

用枯礬末投沸湯淋洗痛處脚氣冲心者用生白

礬煎湯乘熱浸洗 御藥院方

脚氣濕毒兩脛生瘡

博驗方 生瘡梳洗讓側脚氣腫痛以菴瀝

淨縛上黃水出五六日愈 簡便方

脚氣成漏跟有一孔深半寸許其痛異常

用人中白煨水出滴入瘡口 證治要訣

脚底木硬

牛皮膠薑汁化開調南星末敷足底以布裹之

脚軟疼

杜仲一味細切薑製每一兩酒半碗水半碗煎六分服之一少年新娶後得脚軟病疼甚醫作脚氣

治不効或曰此腎虛非脚氣也用此三日能行又
三日全愈麗元英談數

腰脚痺軟行步不穩者

草薺二兩四錢杜仲八錢搗末每日温酒服三錢

忌牛肉廣利方

脚氣冲心

脚氣入腹脹滿喘急

葳靈仙爲末每三錢酒下痛減藥亦減簡便方

梧子大每日食前米飲下三十九食療本草

脚氣上攻結成腫核及一切腫毒

甘遂末水調敷腫處再濃煎甘草汁空心服之其

腫卽消百一選方

脚氣冲心煩悶不識人

大豆一升水三升濃煮汁服未定再服廣利方

又方

白栝榔一兩二錢爲末分二服空心温童便調下

或入薑汁更妙廣利方

又方

吳茱萸生薑搗汁飲甚良食療本草

杉木湯 治脚氣上攻胸膈痞絕搗搗上視脇有塊
大如石且死困不知人服此氣通塊散

杉木節一升橘葉一升如無葉用枝大腹楨榔七
枚搗碎童子小便三大碗共煎一碗半分作二服
若一服即下利通快便止後服柳榔州救死方

剔去皮以燂鷄湯洗之則不生簡便方

又方

地骨皮同紅花研細敷之次日即愈閩閩事宜

又方

先挑破取黑白蝨各一枚置于上縛之數日自愈
便門圖纂

足上鷄眼肉刺

枯礬黃丹朴硝等分爲末擦二三次愈多能鄙事

足趾肉刺

無食子三枚肥皂莢一挺燒存性為末醋和敷之

奇効方

又方

先以湯浸刮去一層用黑木耳炒研貼之自消不痛
近効方

又方

李葉東葉搗汁貼之
千金方

瘡針破貼之
初虞世方

又方

濃煎陳皮湯浸良久如甲肉自離輕手剪去以虎骨末敷之即安
醫林摘要

又方

胡桃皮燒灰貼
本草綱目

嵌甲入肉作瘡不便靴履

白礬燒灰敷之細匕脩去甲角旬日愈
卍後方

又方

知母燒存性研搽之多能鄙事

又方

血竭末敷之醫林集要

脚極濕爛

茶葉嚼爛敷之效攝生方

又方

好黃丹炒入花蓋石末調搽之譚野翁試効方

又方

荆芥葉搗傳之簡便方

又方

滑石一兩石膏煨半兩枯礬少許研搽之集簡方

脚縫瘙痒成瘡有竅出血不止

以多年尿桶燒灰傳之

脚汗濕臭

楊花着鞋底及襪內穿之本草綱目

又方

白礬燒枯研為細末先將腳洗淨拭乾以末遍擦之指縫及足心更多擦用腳帶纏緊過一夜解去數日更作一次即除根 經驗方

脚跟皸裂

用頭髮一大握桐油一碗於砂鍋內熬滾候髮溶化去火放冷用磁器收貯勿令灰入每用百沸湯泡洗皸裂拭乾以油敷之即愈或加米粉炒研調

五倍子為末用牛骨髓調敷 醫方大成

遠行脚趺成泡

水調生麵塗之一夜即平 海上方

又方

水調半夏末塗之 集簡方

遠行脚腫

草烏細辛防風等分為末鋪鞋底內如草鞋以水拌濕布襯踏之可行千里 經驗方

卷十九

脚氣

十三

煨暉堂

行路足腫或被石墊傷

草鞋浸尿缸內半日以磚一塊燒紅置鞋於上將足踏之令熱氣入皮內即消救急方

熱毒足腫作疼欲脫者

苦參煮酒漬之 姚僧坦集驗方

脫骨湯 女人紮足用此十餘次軟若束綿

杏仁一錢桑白皮四錢水五碗新瓶煎三碗入朴硝五錢乳香一錢封口煎化置足于上先熏後洗

諸疝門

論靈樞經曰疝癰者陰連小腹急痛也

巢氏病原曰疝者痛也或小腹痛不得大小便或手足厥冷繞臍痛自汗或冷氣逆上捨心令心痛或裏急而腹痛或有形如瓜有聲似蛙或辜丸偏墜或木硬諸候非一故曰諸疝也

原病式曰癰疝小腹控卵腫急絞痛也寒拘縮故

也寒極而土化制之故腫滿也經言丈夫癩疝謂陰氣連小腹急痛也婦人少腹腫皆足厥陰之脉也寒氣聚而為疝與腎經無干丹溪曰疝痛者罌丸連小腹急痛也或有形或無形或有聲或無聲自素問以下皆以為寒蓋經絡得寒收引不行所以作痛世有得寒而無疝者必有說以通之也亦有湯水涉水不病疝者以其素無熱也因而思之疝病起於濕熱逆鬱既久又感外寒濕熱收鬱而疝似結氣疝核論此疝結疝小腸氣也臍下近臍手按作響而疼者膀胱氣也小腹下氣上奔心而痛者腎氣也腸中走氣作疼者盤腸氣也陰子腫硬而不痛者木腎也偏大偏小者偏墜也總皆疝氣之類也

凡治疝多用熱藥而獲效者內經從治之法耳須用寒涼藥監制之不可純用大熱之劑世用烏頭梔子作湯服之甚効是亦以烏頭作通寒邪梔子利其濕熱亦通之之法

通治 五十五方

卒得疝氣小腹及陰中相引痛如絞汗出欲死者

沙參末空心熱酒服二錢立瘥丹參亦可 附後方

疝氣疼痛危急

地膚子節落帚子炒研空心酒下二錢簡便方

又方

玄胡索鹽炒全蠍去毒生用等分爲末每服一錢

空心鹽湯下直指方

川楝子 治疝氣 兩錢 炒 研 空心酒下 二錢 簡便方

色一兩用小茴香三錢食鹽半錢同炒一兩用菜

蕪子一錢同炒一兩用牽牛子三錢同炒一兩用

斑蝥七枚去頭足同炒揀去食鹽菜蕪牽牛斑蝥


只留破故紙茴香同研爲末以酒打麪糊丸梧子

大每空心酒下五十九 淡寮方

外腎脹大麻痛木疼及奔豚疝氣

川楝子四十九箇取肉分七處一分用小茴香五

錢同炒一分用破故紙二錢半同炒一分用黑牽



牛二錢半同炒一分用食塩二錢同炒一分用蘿
蔔子二錢半同炒一分用巴豆十四粒同炒一分
用斑蝥十四箇去頭足同炒揀去蘿蔔子巴豆斑
蝥三味不用外入青木香五錢南木香官桂各二
錢半爲末酒煮麩糊丸梧子大每服三十九食前
塩湯下日三服 直指方

癩疔脹疼及小腸氣

香附末二錢以海藻一錢煎酒空心調下 瀕湖方

又方

葱白乳香搗塗卽時痛止腫消 本草綱目

又方

煨葱入塩杵如泥塗之 本草綱目

又方

小蒜韭根各一升楊柳根二升酒五升煎沸乘熱
熏之 永類方

陰腫疼痛諸藥不能治者

辛巳醫學
馬鞭草搗膏之 集驗方

癩腫

蔞苕子一合搗末水一盞煎五沸溫服 本草綱目

又方

荔枝核炒黑色大茴香炒等分爲末每服一錢空
心溫酒下 孫氏方

又方

荔枝核青橘皮茴香等分各炒研食前酒服二錢

橄欖核荔枝核山楂音查核等分燒存性研末每服二

錢空心茴香酒調下 本草綱目

陰腫如斗

生蔓菁根搗敷奇驗 集療方

又方

雄黃白礬各二兩甘草一尺剉水五升煮二升浸
之 肘後方

又方

蛇床子為末鷄子黃調敷之 永類方

癩疔疼痛敗精惡血結在陰囊所致

阿魏二兩醋和蕎麥麩裏煨大檳榔二枚鑽孔溶

乳香填滿亦以蕎麥煨入尚香末五錢赤芍藥末

一兩糊丸桐子大每食前酒下三十九 危氏方

超越舉重卒得陰癩及小兒狐疔腫痛

地膚子五錢白朮二錢半桂心五分為末米飲或

酒空心調服三錢忌生葱桃李 必効方

服三九日夜三服白湯下用後方

寒疔疼痛

吳茱萸一兩生薑半兩酒一升煎八分服 用後方

又方

用松子一歲一粒燒研空心酒服 本草綱目

木腎疔氣

楮葉雄黃等分為末酒糊丸梧子大每空心盪酒

下五十九 醫李集成

遠年近日小腸疝氣偏墜掣疼臍下撮疼以致悶亂
及外腎腫陰間濕痒成瘡

吳茱萸去梗一斤分作四分四兩酒浸四兩醋浸
四兩湯浸四兩童子小便浸各一宿同焙乾澤瀉
二兩為末酒糊丸梧子大每服五十九空心塩湯
下酒亦可和劑局方

小腸疝氣

烏藥一兩升麻八錢水二鍾煎一鍾露一宿空心
地膽去翅足頭微炒硃砂各半兩滑石飛一兩為
末每服二錢空心醋調服宣明方

又方

全蝎焙為末每發時用一錢麝香半字温酒調服
少頃再服本草綱目

又方

青本香四兩酒三斤煮浸日飲三次孫氏集效方
又方

胡蘆巴

研炒

末每服二錢空心茴香酒下直指方

又方

木賊細剉微炒為末沸湯點服二錢緩服取效本草衍義

又方

蕎麥仁炒去尖葫蘆巴酒浸曬乾各四兩小茴香炒一兩為末酒糊丸梧子大每空心鹽酒下五十九兩月大便出白濃即去根集效方

去齧食束以桂心畢澄茄煎湯送下直指方

小腸氣痛繞臍衝心

連蒂老絲瓜燒存性研末每服三錢食前熱酒調

下甚者不過二三服即消本草綱目

小腸疝氣痛不可忍

大茴香荔枝核炒黑等分研末每一錢溫酒調下

仍以小茴香炒熱布包更互熨之集效方

又方

蓬莪茂以濕紙厚包灰火內煨透乘熱搗末空心
葱酒服一錢護命方

疝氣膀胱小腸等氣

金鈴子一百箇溫湯浸過去皮巴豆一百箇微敲
破以麩二升同於砂鍋內炒至金鈴赤色為度放
冷取出去核為末巴麩不用每服三錢空心熱酒
或醋湯調服或入鹽炒茴香半兩經驗方

又方

偏墜作疼

大黃末一合醋調塗之乾則易楊師方

又方

甘遂炮茴香炒等分為末酒服二錢儒門事親

又方

白附子一箇為末津調填臍內以艾灸三壯或五
壯自愈楊起簡便方

又方

芙蓉葉黃蘗各三錢爲末以木鱉子仁一箇磨醋調塗陰囊其痛自止 簡便方

又方

八角茴香小茴香各三錢乳香一錢空心熱水服取汗 直指方

又方

大茴香小茴香各一兩爲末用豶猪尿胞一箇連尿入二末于內繫定確內以酒煮爛控乾連胞搗

山槿

音查

香炒各一兩爲末糊丸梧子大每服一

百丸空心白湯下

衛生易簡方

霹靂酒

治疝氣偏墜及婦人崩中下血胎產不下

以鐵器燒赤淬酒空心飲之 聖惠方

偏墜痛極

用綿袋包煖陰囊取天花粉五錢以醇酒一盃浸之自郊至午微煎滾露一宿次早低凳坐定兩手按膝飲下卽愈未下再一服 本草蒙筌

音門醫品

卷十九

諸疝

二十三

洪暉堂

又方

猪脬一枚洗入小茴香大茴香破故紙川棟子各一兩于內加入青鹽一塊縛定酒煮熟空心以脬食之酒下其藥焙搗為丸服本草綱目

又方

青娘子紅娘子各十枚白麩拌炒黃色去前二物只用麩熱湯調服一錢談野翁方

偏墜腫痛

桂皮研末水調塗上梅師方

卵瘻偏墜

用雙蒂茄子懸於房門上出入眼視之茄蒂所患亦焉茄乾亦乾矣一人用雙茄懸門上每日抱兒視二三次釘針于上十餘日即消保壽堂方

又方

絲瓜初結者留架上待瓜結盡葉落取下燒存性為末煉蜜調成膏每晚好酒服一匙如在左左睡

在右右腫即愈 保壽堂方

又方

絲瓜葉燒存性三錢雞子殼燒灰二錢溫酒調服

余居士選奇方

癩疔偏墜氣脹不能動者

牡丹皮防風等分為末空心酒服 千金方

前陰諸證門

起陰器不用皆耗散太過傷於肝筋所致也○有

陰腫或堅而痛皆是濕熱積注而然亦有房事過

多所致○有陰痛男子陰頭痛女人陰中痛○有

陰癢外腎生瘡瘙痒不禁婦人則陰中癢也皆濕

熱之病○有陰濕謂陰間津濕○有陰寒男子陰

囊冷婦人陰中冷也○有陰臊肝火下流○有陰

吹胃氣下泄也以上諸證皆肝經濕熱酒色過度

之人宜各以其類而治之

陰腫 六方

陰腫作癢

桃仁炒香為末酒服二錢日二服仍搗傳外臺方

陰腫作疼

馬齒莧搗敷之亦類鈐方

又方

乳香葱白等分搗敷山居四要

又方

又方

雞翎燒存性蛇床子末等分傳之肘後方

時疾陰囊及莖皆熱腫

羊尿黃檗煮汁洗之外臺方

陰癢 十二方

陰囊濕痒

麩炭末紫蘓末勻撲之經驗方

又方

龍骨牡蠣各煨等分爲粉撲之 醫宗三法

又方

槐樹北面不見日枝煎水熱洗水冷再熱必効方

又方

烏賊骨蒲黃等分爲末撲之 醫宗三法

陰囊濕痒欲潰裂者

松香爲末紙卷作筒每根入花椒三粒浸燈盞內
三宿取點燒淋下油擦之先以米泔洗過 簡便方

又方

枯礬研細撲之或泡湯澆洗 御藥院方

又方

爐甘石煨一錢真蚌粉半錢研細撲之 直指方

又方

滑石飛一兩石膏煨半兩枯礬二錢研細搽之 集簡方

又方

吳茱萸煎湯頰洗取効 外臺秘方

又方

川椒杏仁研膏塗掌心合陰囊而卧甚効 直指方

玉莖湿痒

肥皂莢一箇燒存性研香油調搽自愈 攝生方

陰瘡 七方

外腎生瘡

綠豆粉蚯蚓糞等分研塗之 本草綱目

傳之用後方

又方

抱出雞卵殼黃連輕粉等分爲細末用煉過香油調塗 醫林正宗

陰上粟瘡

取停水湿處乾卷皮爲末水調敷之 外臺秘要

囊瘡癢痛

紅椒七粒葱頭七箇煎水洗之三日見効 經驗方

又方

細茶為末以甘草湯洗後敷之 經驗方

陰囊濕瘡出水不瘥

五倍子臘茶各五錢輕粉少許研末先以葱椒湯洗過香油調搽以愈為度 聖惠方

陰痿 六方

陰痿不起

雀卵天雄製兔絲子製等分為末九梧子大空心

續豬腎一對切片枸杞半斤以豉汁一盞同椒鹽

煮羹空心食 經驗方

又方

雄鷄肝三具兔絲子一升製為末雀卵和丸小

豆大每服百丸空心酒下 千金方

又方

蜂房灰夜敷陰上即熱起 千金方

又方

蜂房燒研新汲井水服二錢可御十女 吻峻神書

陰痿陰汗

陽起石煨為末每服二錢空心鹽酒下 普濟方

不痿 二方

玉莖強硬不痿精流不止痛如針刺病名強中乃腎滯漏疾也

韭子破故紙各一兩炒為末每服三錢食前白水調下日三服 經驗方

入麝香末少許木香末一分調勻食前服服後飲

濃茶半盞陽卽敗 集簡方

陰莖忽然腫痛

鮮螺螄搗爛細布濾汁鷄翎刷上卽愈 經驗方

明諸城王化貞曾乾父原編

廣寧後學郎廷模貞若父重梓

男文炯全較
姪文燾

癲狂門

附癩證

論癲狂病俗名心風蓋謂心神壞亂而有風邪故也丹溪云癲屬陰狂屬陽顛多喜狂多怒又曰大槩是熱癲者神不守舍狂者如有所見癲者喜笑不常顛倒錯亂之謂也狂者自高自智

言語不擇善惡不避親疎之謂也

古方每以顛癩並治乃大悞也蓋癩爲心病而屬實者多癩爲五臟兼病而屬虛者多癩則妄動失常癩則吐沫卒倒二病狀亦不同凡登高棄衣引重致遠者爲癩乃痰火亢熾之甚治宜降下之劑滾痰丸之屬

自高辨智妄語狂言神明失守爲狂治宜鎮心安神清上之劑牛黃朱砂丸之屬

風口閉牙噤並治

皂莢肥大不蛀者去皮子一斤切碎用酸漿水二大碗春浸三日夏浸二日秋冬七日揉取淨汁去渣入砂鍋內文武火熬以槐柳枝攪熬如膏取出攤在紙上陰乾用時取指大壹塊溫漿水化盞內扶病人坐定用竹筒吹藥水入病人左右鼻內良久涎出效欲要涎止以溫鹽湯服一二口便止忌鷄魚蒜麪等物

朱砂丸 治癲狂及風癇中惡卒倒

朱砂飛附子炮去皮臍雄黃明透者飛各一兩麝香五分巴豆仁二十粒去膜心油研勻煉蜜和搗丸麻子大每服三丸不拘時粥飲下如不利更加三丸至七丸以利爲度

抱膽丸 治男女癲狂風癇及嬾人產後驚氣入心

朱砂飛二兩黑鉛一兩半水銀乳香各一兩先將鉛入銚內鎔開下水銀結成砂子次下乳香硃砂丸可除根屢驗

朱雄丸 治驚憂失志痰迷心竅以致叫呼奔走

辰砂飛雄黃飛各二錢半白附子一錢各研末猪心血和丸金箔爲衣每三丸人參菖蒲煎湯下失心癲狂

鬱金七兩明礬三兩爲末酒糊丸梧子大每五十丸白湯下有婦人癲狂十年至人授此方初服心間覺有物脫去神氣洒然再服而甦本草綱目

又方

九節菖蒲不聞雞犬聲者去毛木臼搗末積猪心
一箇批開砂礮煮湯調每服三錢醫李正傳

風痰迷心癩癇狂邪

甘遂二錢為末猪心取血和藥入猪心內縛定紙
裹煨熟取末入神砂末一錢分作四丸每服一丸
將猪心煎湯調服下惡物為効不效再服濟生方

又方

如有蟲行額及手足有如赤豆是瘡候也未效再
服陳延之小品方

又方

芽茶梔子仁各一兩煎濃汁一碗服良久探吐即
愈摘玄方

凡發狂欲走或自高貴稱神或悲泣呻吟此為邪祟
以蠶紙燒灰酒水任下二錢亦治風癩肘後方
顛狂邪妄自賢自聖行走不休

普門醫品

卷二十

癩狂

四

娛暉堂

白雄鷄一隻煮以五味作羹粥食之 心鏡

又方

瓜蒂末井水服一錢取吐愈如欲止吐以麝香少許點湯飲之 聖惠方

又方

用狗肝一具批開以黃丹消石各一錢末研勻擦在肝內用線縛定水一升煮熟細嚼以原汁送下 楊氏家藏方

附癩證

論凡卒然運倒身軟咬牙吐涎沫不省人事隨即醒者是癩病也或一月一發或兩月一發或三月一發有羊癩猪癩牛癩馬癩犬癩各以其聲而名之皆驚風熱痰所致治宜追風祛痰

通治十一方

五癩丸 治諸風癩取痰如神

大皂角半斤去皮子以蜜四兩塗上慢火灸透搥

碎以熱水浸一時按取汁慢火熬成膏入麝香少許攤在夾綿紙上晒乾剪作紙花每用三四片入淡漿水一小盞洗汁以筒吹入鼻內待痰涎流盡吃脂麻餅一箇涎盡卽愈 普濟方

久近風癩

凌霄花或根葉爲末每服三錢溫酒下服畢解髮不住手梳口噙冷水溫則吐出再噙再梳至二十日乃止如此四十九日絕根百無所忌 奇效方

兩爲末薑汁爲丸如梧子大硃砂爲衣每服四十丸粟湯下日二服稍退減服 永補方

風癩痰涎壅盛欬急中等証不拘大人小兒此藥不大吐逆只出涎水

瓜蒂爲末壯年服一字老少服半字早晨并華水下食頃含沙糖一塊良久涎如水出年深者出墨涎及痰塊涎盡食粥一兩日如吐多困甚卽以麝香泡湯一盞飲之卽止 經驗後方

虎睛丸 治癩疾發作涎潮搐搦時作譫語

虎睛一對微炒犀角屑大黃遠志製各一兩卮子
仁半兩為末煉蜜丸綠豆大每溫酒服二十九本
草綱目

風癩及目抽搐吐沫者

黑鉛七錢水銀三錢結為砂南星一兩炮為末糯
飯丸綠豆大一歲一九乳汁下普濟方

又方

又方

天南星煨為末一兩硃砂飛一錢猪心血丸梧子
大每防風湯化下十九小兒二九普濟方

暗風癩疾

用臘月烏鴉大嘴者一箇塩泥固臍瓶中煨過放
冷取出為末入硃砂飛過半兩研勻每服一錢酒
下日三服不過十日愈保幼大全

風癩有痰不時舉發

山慈姑根似小蒜者一枚研如泥日正中時以茶調下即卧日中良久吐出雞子大物永不發如不吐以熱茶投之奇効良方

南人正二月食芹菜誤入蛟龍精病發似癩面色青黃各蛟龍癥病

用寒食餈糖以水化服五合日三次吐蛟龍出有兩頭可驗平日有吐虵病者切勿服金匱要畧

邪祟尸注門

附魘魅

高而歌棄衣而走皆痰火所為實非妖邪之所迷也然古有禁呪一科及龍樹呪法皆遺精變氣之術亦可解疑釋惑以使心神之歸正耳

俗云衝惡者衝斥邪惡鬼崇而為病也病此者未有不因氣血先虧而致者氣血者心之神也神既衰乏邪因而入理或有之

世間自有一種鬼物為崇深山狐狸每能作怪多年雞犬亦有成妖誤認痰火為邪崇者非也謂邪

崇盡由痰火者亦非也但邪祟侵人必由氣血之
虛則定論耳

尸疰一病精神恍惚妄言妄見歌笑啼哭如鬼所
憑多因悲憂寒熱變動則發或卒患心腹脹滿吐
利不息或不得吐利如乾霍亂狀由人精神不全
心志多恐遂爲鬼邪所附沉亡嘿亡譫語妄言誹
謗罵詈訐人陰事或言未然福禍毫髮不爽或知
人心間事登高涉險如履平地或悲泣呻吟不欲

八赤毒丸 治一切邪祟鬼疰服此卽愈

雄黃硃砂各飛礬石煨附子炮藜蘆牡丹皮巴豆
去油膜各一兩蜈蚣一條灸爲末煉蜜丸如小豆
大每服五七丸不拘時涼水送下

秦承祖灸鬼法 治一切驚狂譫妄踰垣上屋罵詈
不避親疎等證

以病人兩大拇指用細麻繩縛定以艾二炷置於
縫中甲際及兩指角上下共四處着火艾本兩炷

以在兩縫中則為四處火着也一處不着則無效
不得燒甲灸七壯神驗 李子豫方

卒中邪魔

雄黃飛過少許吹鼻 集驗方

尸疰或見尸或聞哭聲即發者

取死人席長三寸濶五寸水二碗煎一碗服之此

即昔人用死人枕之義 謝士泰刪繁方

家有邪氣

女人病邪與邪物交通獨言獨笑悲哭恍惚者

雄黃一兩松脂二兩溶化以虎爪攪之丸如彈子

大夜燒於籠中令女坐其上以被蒙之露頭在外

不過三劑自斷仍以雄黃人參防風五味子等分

為末每旦井水服方寸七愈 肘後方

妖魅貓鬼病人不肯言鬼

鹿角屑搗末水服一錢即言實也 錄驗

貓鬼病歌哭不自由者

臘月死猫頭燒灰水服一錢日二千金方

辟邪丹 治衝惡怪疾及山谷間妖狐野鬼魔人為患無法可治者

人參茯苓遠志鬼箭九節菖蒲白朮蒼朮當歸各一兩菴奴焙乾五錢雄黃辰砂各三錢牛黃一錢或加麝一錢各為細末稱足研勻酒調米粉打糊為丸龍眼大金箔為衣臨卧木香湯化下一丸諸邪不敢近更以絳紗囊盛五七丸懸床帳卧處尤毒病大畧使人寒熱沉匕嘿匕不知病之所苦而無一處不惡積月累年淹滯至死匕復傳人或至戒門覺有此候宜急治之

草綱目 獺肝一具陰乾為末水服二錢日三以瘡為度本

忍冬煎 治一切飛尸鬼疰邪祟等證

忍冬籐葉一斤煮濃汁日服二三杯即除 醫統 尸疰中惡腹痛不可忍

阿魏末熱酒服二錢立止 永類鈴方

尸疰及鬼擊心痛腹脹大便不通

巴豆二枚去皮心炒黃杏仁二枚綿包槌碎熱湯

一合捻取白汁服之即愈老少者酌用 外臺方

衝惡吐瀉

海桐皮煮汁服之 聖濟總錄

鬼擊成病卒然着人如刀刺狀胸脇腹內疼不可近

或吐血衄血下血一名鬼排

鐵椎柄燒灰加菴奴鬼箭等分作丸服之或只以

腰刀鞘木二三寸燒灰酒服亦可 藏器本草

又方

雄黃細飛過酒服一刀圭日三服 千金方

鬼擊身青腫

金銀花一兩水煎飲之 李樓怪病奇方

附 魘 魅 五方

夜窺鬼魘

以赤褐一尺枕之即安 肘後方

又方

雄黃帶頭上及繫左腋下終身不魘 張文仲方

又方

以犀角為枕 本草綱目

又方

卧時以鞋一仰一覆則無魘及惡夢 起居雜忌

又方

卒中暴死門

論 卒中者卒然而倒不省人事全如死屍但氣不

絕脉動如故暴死者魘魅暴絕屍厥之類

凡卒中惡氣鬼邪或因暮夜入廁或出郊野或進

空室或人所不至之地忽然見鬼物鼻口吸着惡

氣卒然仆倒四肢厥冷兩手握拳口鼻出青血與

屍厥同但腹不鳴心脇俱暖切勿移動即令人圍

繞燒火打鑼焚麝香或安息乳香蒼朮之類仍

灌犀角散候醒方可移動

夜寐不寤者爲魘死切勿用火照但以齧咬其足跟及搦指甲際仍唾其面則醒

凡暴喜傷陽暴怒傷陰憂愁失意及驚怖皆能令人卒倒厥逆如中風狀俱宜先用蘇合丸灌之使甦然後因病下藥

通治二十四方

破棺散 治卒死中惡諸暴絕及石木所壓溺水自

卽活

卒死

急取慈心針入鼻中四寸許男左女右針耳中亦可鼻目血出卽活如無血出不可治崔氏纂要

又方

以韭汁或薤汁灌入鼻中便省冬月用韭根

又方

斷活猪尾取血飲并縛猪枕之卽活肘後方

又方

雄狐膽温水研灌入喉卽活須急治之移時卽無及矣續傳信方

又方

鷄冠血和硃砂爲丸小豆大納耳鼻中各一九肘後方

卒死及魘死

鷄冠血塗面上乾則再上仍滴入鼻中并以灰營

白礬半斤水一斗煮湯浸脚及踝卽甦肘後方

驚怖卒死

温酒灌之卽醒本草綱目

吐利卒死及腹皮忽然青赤不能喘息

急用女青末納口中以酒灌下子母秘錄

白微湯 治平居無疾苦忽如死人身不動搖目閉

而口噤或眩暈移時方寤此名血厥亦名鬱胃或因大汗失血之後陽氣獨上塞而不行故身如死

氣過血還陰陽復通故後時方寤婦人尤多此證
白微當歸酒洗各一兩人參去蘆半兩甘草炙二
錢每服五錢水二盞煎一盞不拘時溫服 本事方

中惡卒倒

艾灸臍中百壯仍以皂角末吹鼻或韭汁灌耳或
搗鮮菖蒲根汁灌之如倉卒無藥急於人中穴及
縛兩大拇指離甲一韭葉許騎縫灸三五壯卽甦
朱砂丸 治同上

犀角五錢麝香硃砂各二錢爲末水調服二錢卽
效華陀方

鬼擊卒死

烏鷄冠血瀝口中令嚥仍破此鷄榻心下冷乃棄
之道傍用後方

又方

吹醋少許入鼻中千金方

又方

音門醫品
烏雄鷄血塗心下卽甦 風俗方

卒死而肱間暖脉猶動耳目中如微語聲名爲尸厥
卧忽不寤名爲魘死

勿以火照但痛齧其踵及大拇指甲際嚼其面卽
甦仍以菖蒲末吹鼻中桂皮末納舌下并以菖蒲
根汁灌之卽活 肘後方

尸厥

用白馬前脚夜眼二枚白馬尾十四根合燒醋丸
令人尿其面上卽甦此扁鵲法也 肘後方

夜卧魘死

勿用火照急取梁上塵納鼻中卽活 瓊碎錄

又方

馬蘭根一握杵爛以水絞汁徐匕灌之外臺秘要

又方

以青牛蹄或馬蹄臨人頭上卽活 肘後方

又方

音門醫品
皂莢末吹鼻即甦千金方

五絕門

論五絕者一曰自縊死二曰溺水死三曰墻壓死
四曰鬼魘死五曰產乳死氣已絕而心頭微溫者
皆可救

凡自縊死者在日間雖已冷尚可治若夜間死者
不可治以陰氣盛故也但心下溫者雖一日以上
揉其項痕不可放手致其泄氣以衣被卧之一人
以腳踏其兩肩手挽其髮常令弦急勿使縱緩一
人以管吹其兩耳一人以手按胸上摩勒不已一
人將臂脛屈伸不已若已僵直但漸屈之并按
其腹如此少頃覺氣從口出呼吸眼開仍按不置
以溫粥飲灌之

溺水死者放大板或大凳上卧將後腳墊起高二
磚却用塩擦臍中待其水自流出不可倒控急解

去衣帶用艾灸臍中卽活

卒墮壓撲打死者心頭尚溫將本人如僧打坐令

一人將其頭扶住用半夏末吹入鼻中如活却以

生薑汁清油攪勻灌之

卒斃死不得近前急喚但痛嚙其脚跟及大拇指

甲際而唾其面卽活如不省少移動卧處以皂角

末吹鼻中得嚏則活元有燈則存無燈則不可點

燈若以火急炤之則不可救

終月應水銀瓶心頭微熱
開或溫酒或薑湯灌之

通治 十七方

五絕心頭溫者皆可治

以半夏末吹大豆許入鼻中卽活子母秘錄

破棺散 治同上

方見本卷卒中暴死門

縊死繩須解開切不可割斷

慈心刺耳鼻中三四寸許有血出卽活 本草綱目

又方

皂莢末吹鼻中外一方

又方

絞藍汁灌之千金方

又方

鷄矢白如枣大酒半盞和灌口鼻用後方

又方

刺雞冠血滴口中即活男用雌女用雄用後方

溺死一夕者尚可活切不可倒控

紙裹皂莢末納穀道須臾水出即活外臺秘要

又方

以大甃卧之後足放高用鹽填臍中待水自流出切勿倒提出水救急方

又方

用灶下灰一石埋之從頭至足惟露七孔良久甃

又方

布裹石灰納下部水出盡即活 千金方

墮水凍死只有微氣者切不用火烘

以布袋盛熱灰放心頭冷即換熱者待眼開以温

酒灌之 普濟方

凡人壓撲已死但有氣者用此即活

抱雞卵已成形未出者一隻用黃泥固濟火煨存

性研末熱酒調服更多飲酒被盖出汗睡一覺即

愈神效 陳氏經驗方

不及以熱小便灌之妙

夜卧斃死切不可用燈照

用飛過雄黃末吹鼻孔即活 經驗方

餘方見本卷卒中暴死門

頰人難產及逆產口噤番死者

冬葵子一合搗破水三盞煮一盞頓服即甦而產

或以冬葵子炒黃為末酒服二錢亦妙 靈室方

餘方見三十七卷產後諸證門

奇病門

論奇病即怪病之謂經所不載而醫所未見也顧瘡有人面蟲作應聲耳鳴龍躍癭裂猱出紀傳所列豈盡空言六合之外聖人存而不論蓋以不見為奇非以無為奇也夏子益作奇疾方不為無用今摘其近理者書之

通治 四十二方

辰砂飛人參去蘆茯苓濃煎日飲真老氣爽假者自化也

有人卧則覺身外有身一樣無別但不語蓋人卧則魂歸於肝此由肝虛邪襲竟不歸舍亦名離魂病

人參去蘆龍腦即薄荷赤茯苓各一錢水一盞煎

半盞調飛過硃砂末一錢嚼時服一夜一服

應聲蟲病腹中有物作聲隨人言語

用藍葉絞汁一盞分四次服

凡人目中白珠渾黑視物如常毛髮堅直如鐵條能
飲食而不語如醉名曰血潰

以五靈脂爲末湯服二錢卽愈

玉莖不痿精滑無歇時痛如刺捏之則脆名爲腎漏
用破故紙韭子各一兩爲末每用三錢水二盞煎
六分服日三次愈

有飲油五升以來方快者一兩則病此是髮入于胃
血氣暴之化爲蟲

雄黃飛雷丸爲末各一兩摻猪肉上炙熟喫盡愈
熱毒怪病日出鼻脹大喘渾身出斑毛髮如鐵乃因
中熱毒氣結於下焦

滑石飛白礬爲末各一兩作一服水三盞煎減半
不住飲之

腹中如石臍中水出旋變作蟲行迹匝身爬搔不盡
用蒼朮濃煎湯浴之仍以蒼朮末入麝香少許水
調服

臨卧渾身虱出約至五升隨至血肉俱壞每宿漸多
痛痒不可言狀惟喫水卧床晝夜號哭舌尖出血不
止身齒俱黑唇動鼻開

但飲鹽酢湯十數即安

因艾灸火瘡痂退落瘡內鮮肉作片子飛如蝶狀騰
空飛去痛不可言是血肉俱熱怪病也

朴硝大黃煨各半兩為末水調下微利即愈

人精忽垂至鼻如黑角痛不可忍或時大便血出

婦人產後兩乳忽長細如腸垂過小肚疔不可忍危
在須臾名曰乳懸

芩藶當歸各一斤以半斤咀片於瓦石器內用水
濃煎不拘多少頻服其餘剉塊於病人床下燒之
令將口鼻吸烟用盡未愈再作一料仍以草麻子
一粒研貼其頂心

兩足心凸腫上生黑豆瘡硬如釘脛有碎孔髓流出
身發寒顫惟思飲酒此是肝腎冷熱相吞

用川烏頭炮研傳之仍以韭子煎湯服之

人徧身忽然肉出如錐既癢且痛不能飲食名血瘰

不速治必潰膿血

以赤皮葱燒灰淋洗飲豉湯救盡自安

有人手足忽倒生肉刺如錐痛不可忍

但食葵菜即愈

有人毛竅血出不止皮脹如鼓須臾目鼻口脹合此

名脉溢

遍身綠毛名血餘

以茯苓胡黃連煎湯飲之愈

人頂生瘡五色如櫻桃狀破則自頂分裂連皮剥脫

至足名曰肉人

常飲牛乳自消

口內肉毳有根如線五寸餘如釵股吐出乃能食物

捻之則痛徹心

麝香一錢研水服之日三服自消

凡口鼻出腥臭水以椀盛之狀如蟻色蝦魚走躍捉之卽化爲水此肉壞也

但多食鷄臙卽愈

瘡如蛇頭突出數寸

用雄黃塗之卽消

人面瘡多在脰上形似人面有口眼傳藥上卽食之與之飲食皆食之

用貝母末塞入瘡口數次卽全

大每酒下三十丸

一人傷寒舌出寸餘連日不收

用梅花冰片搽舌上應手而收重者用三錢方愈

婦人產後舌出不能收

以硃砂傳其舌令作產兒之狀用人扶住壁外潛

將瓦器崩墮婦聞响聲而驚舌卽收

一婦人舌腫大滿口諸藥罔效

以銚針砭之血出腫減三日方平

一婦女眼中血出如射或沿鼻流下月經不行乃陰虛相火之病

用當歸生地黃各酒洗白芍藥酒炒黃連黃檗知母條芩各炒側柏葉木通柴胡杏仁去皮尖紅花各一錢水二鍾煎一鍾食前服

一人田間收稻忽然遍身痒入骨髓此痰氣也

用食塩九錢泡湯三碗每進一碗探而吐之三進三探則不痒矣

產婦腹中痒

用箭筈及鏃安所卧床蓆下勿令婦人知

一小兒七歲聞雷即昏倒不知人事此氣怯也

人參去蘆當歸酒洗麥門冬去心各二兩五味子五錢水一斗煎汁五升再以水五升煎滓取汁二升合煎成膏每服二匙白湯化下服盡一斤自後聞雷自若矣

身面生瘡似猫兒眼有光采無膿血但痛痒不長飲

食減少名曰寒瘡

多喫葱韭鷄魚自愈 以上並夏子益奇疾方

痛瘡如眼上高下深顛匕粟垂如瞽眼其中帶青頭
上各露一舌毒孔透裏

用生井蛙皮燒存性為末蜜水調傅之 直指方

眼中視物皆倒植左關脉浮促此因傷酒大吐上焦
反覆倒其膽腑故也法當復吐以正其胆

以藜蘆瓜蒂為粗末水煎平旦服以吐為度吐

則聲匕相接此因驚氣入於臟而成

硃砂雄黃各飛過附子炮去皮臍各一兩麝香一

分巴豆仁二十粒去油共研勻煉蜜搗丸麻子大

每服三丸不拘時以車前草煎湯下如不利更加

三丸至七丸以利為度 趙巒方

頭皮內時有蛆出

以刀割破絲瓜葉搗汁擦之蛆出愈 小山怪證方

女人月經流出皆作禽獸之形欲未傷人

先將綿塞陰戶乃頓服沒藥末一兩白湯調下卽愈危氏方

一婦產後用力垂出肉線長三四尺觸之痛引心腹用老薑連皮三斤搗爛入麻油二斤拌勻炒乾先以熟絹五尺折作方結令人輕匕盛起肉線使之屈曲作三團納入產戶乃以絹袋盛薑就近薰之冷則更換熏一日夜縮入大半二日盡入但不可使線斷匕則不可治矣魏夫人秘傳方

牙齒日長漸至難食名髓溢病

白朮煎湯時常漱服卽愈備急良方

一女年十四腕中軟處生物如黃大豆半在肉中紅紫色痛甚諸藥不效

以水銀四兩白紙二張揉熟蘸水銀擦之三日自落而愈李樓方

渾身燎炮如棠梨狀每破出水內有石一片如指甲其泡復生抽盡肌肉則死

荊芥三稜蓬莪各二兩為末分三服酒調連服
即愈危氏得效方

明諸城王化貞曾乾父原編

唐寧後學良廷模之若父重梓

男 姪 文燾 全較

鬚髮門

染烏 拔白
滋長 脩沐

論巢氏病源曰足少陽膽之經其榮在鬚足少陰
腎之經其華在髮若血氣衰弱經脉虛竭不能榮
潤故鬚髮禿落

氣血盛則鬚髮美氣血衰則鬚髮白必然之理也

人年三十後常服補腎滋陰之藥必然有驗若用藥於既衰之後豈能及乎

①染烏 二十一方

一青膏 染鬚髮極驗

生胡荽皮生酸石榴皮生柿蒂子皮先將石榴剝去子入丁香裝滿共稱過分兩然後將胡荽皮柿子皮秤等分晒乾全為細末用牛乳和勻盛於錫瓶中封口埋馬糞內十日取出將白線一條扯緊

旱蓮膏 黑鬚髮補精血

旱蓮草六七月採鮮者不拘多少砂鍋水煮數滾撈出扭乾將汁澄清用文武火熬成膏煉蜜入內滴水成珠為度用磁器盛夜放天井內露之每夜攪三四次如此七夜方足收磁瓶中好酒調服一匙早晚各一服極驗

又方

胡粉石灰風化七日等分醋和塗之以油紙包烘

令温煖候乾洗去油潤之黑如漆也博物志

又方

五倍子一斤研碎銅鍋炒之勿令成塊如有烟起
即提下攪之從容上火慢炒直待色黑為度以湿
青皮包札足踏成餅聽用每用五倍子一兩紅銅
末酒炒青鹽生白礬各六分訶子肉没石子各四
分硃砂一分為末烏梅酸榴皮煎湯調勻碗盛重
湯煮四五十沸先以皂莢水先爭鬚後以眉批

別法於此用時洗去其土包生於日洗去其

又方

三月三日取蜥斗一合陰乾候桑椹熟時取汁一
升浸埋東壁下百日取出其色如漆以塗鬚髮永
不白 岫嶠神書

又方

上好金墨打碎如指尖大初伏時將蓖麻長大者
刀破其根納墨二三塊用土封固俟立冬後其葉
落方取墨出研以搽鬚黑而光亮且不落也甚妙

又方

酸石榴結成時就東南枝上揀大者一箇向上開一孔納水銀半兩以原皮蓋之麻絮定牛屎封固待經霜摘下傾出殼內水以魚脬籠指蘸水燃鬚久久自黑 普濟方

又方

胡荽青皮一秤旱蓮草十斤切以纒盛之入水五斗浸至一月去滓熬至五升入薑薑之油一斗慢

火煎取五升收之凡思先以炭灰汁洗用油塗之

猿猴上樹方

取臘月黑牯牛胆一個嫩槐子炒五倍子炒烟盡各一兩酸石榴皮焙五錢白礬一錢共為細末裝膽內懸風處陰乾半月取下用鉛罐一個將藥去膽皮傾入罐內再加核桃油加一小盞桑烟三錢麝香一分攪勻密封罐口重湯煮一炷香取起將鬚用皂莢湯洗淨以猪脬皮或油紙包指蘸藥擦鬚下半節自然上行其黑如漆

又方

大水蛭七枚為末水銀一兩以銀三兩作小盒盛
之用蚯蚓泥固濟半指厚深埋馬糞中四十九日
取出化為黑油以魚脬籠指每蘸少許搽鬚髮上
其油自然倒行至根變黑色也 普濟方

烏鬚倒捲簾方

用大馬蜞二三十條竹筒裝之夜置露處使有濕
氣餓過七日以鷄冠血磨京昆瓦食四五次收起

陰乾將猪脛骨打斷入內仍合定紙線纏住
鹽泥塗待乾放地上以火煨五寸香將火退

寸又五寸香又將火退遠三寸又五寸香取出為

末猪胆皮包指捻擦鬚稍即倒上也 普濟方

擦牙烏鬚方 若先期而擦者永不白

青塩一斤嫩槐枝葉三斤黑鉛四兩没石子尖者
七錢將黑鉛青塩槐枝入鍋內炒成灰提起聽用
將没石子研細末和入磁器盛之每日早晚以藥
擦牙漱水吐掌內擦鬚鬚久久自然潤黑

又方

黑鉛銷化以不蛀皂角寸切投入炒成炭入鹽少許研勻日用揩牙摘去白髭永不再白亦能固齒

又方

麻粃八兩鹽花三兩生地黃十斤取汁同入鍋熬乾鉄盖匕之鹽泥匕之煨赤取研末日三次揩牙畢飲薑茶數口先從眉起一月皆黑養老方

又方

此潮二嶺曬漉地濕中煨存性研末日用擦牙
連津嚙之攝生妙用方

又方

旱蓮草取汁全鹽煉乾研末擦牙本草綱目

頭髮黃赤

柏葉晒乾研末一升猪膏一斤和丸彈子大每以布裹一丸納泔汁中化開沐之一月黑潤聖惠方

又方

梧白皮燒存性研和乳汁塗之本草綱目

又方

以熊脂塗髮梳散入床底伏地一食頃便出卽盡
黑用脂不過一升効千金方

又方

以臺菜油常搽之卽黑藏器本草

又方

用篋麻子仁香油煎焦去滓三日後頻刷之卽黑
摘玄方

五方

老生薑皮一升於常用油鍋內不須洗刷固濟勿
令通氣令精細人守之文火煎勿得太急自旦至
夕卽成研爲細末拔白後先以簪點麻子大入孔
中或先點鬚下然後拔之以指撚入三日後當生
黑者神効 醫經本草

又方

七月七日取百合熟搗用新磁瓶盛之密封陰乾
百日每拔去白者搽之卽生黑者 便民醫纂

又方

丁香末薑汁調塗於拔去孔中即自生黑者甚驗
藏器本草

又方

拔白後以梧子搗汁塗孔中即生黑者 本草綱目
年少髮白

拔去白髮以白蜜塗毛孔中仍取梧子搗汁塗上
必生黑者 梅師方

病後髮落 十九方

狗獠薑同野薔薇嫩枝煎汁刷之 本草綱目

髮髮墮落

桑白皮剉二升以水浸煮五六沸去渣頻沐自不
落也 聖惠方

髮眉墮落

半夏苗莖搗取汁煉一二沸塗之即生 雷斅方
髮落不生

先將頭皮用米泔入醋洗淨生布揩令熱以臘猪

脂入生鉄煮三沸塗之即生千金翼方

又方

桐葉同麻子仁米泔煮五六沸去渣日日洗之則長肘後方

又方

垂柳葉陰乾爲末用薑汁於鉄器中調夜以摩之聖惠方

又方

石硫磺研末以酒洗之每服半鍾常令

又方

胡麻油常塗之 普濟方

又方

側柏葉陰乾作末和麻油塗之 梅師方

頭髮不長

桑葉麻葉煮泔水沐之七次可長數尺 千金方

令髮長黑

蔓荆子末熊脂等分醋調塗之 聖惠方

赤禿無髮

牛角羊角燒灰等分猪脂調敷聖惠方

瘡癩疤上不生髭髮

先以竹刀刮損用蒿苳子糊獠薑等分為末頻擦之摘玄方

白禿無髮

麻子炒焦為末猪脂和塗髮生為度更以麻子汁

煮粥食之普濟方

又方

以甜瓜葉搗汁塗之餘次即生嘉祐本草

又方

花椒研末猪脂調敷普濟方

婦人禿髮

川椒四兩酒浸密室內日用搽之即長聖惠方

令髮不落

榧子三个胡桃二个側柏葉一兩搗浸雪水梳頭

髮永不落聖惠方

髮槁

桑根白皮柏葉各一斤煎汁沐之即潤 聖惠方

脩沐八方

頭髮垢脂

鷄子白塗之少頃洗去光澤不燥 瀨湖方

又方

百藥煎為末乾擦髮上一夜篋之 普濟方

頭風多白屑

零陵香白芷等分煎汁令人鴛子白覽勻傳數十

次終身不生用零陵濕油飾髮香澤異常且不起

醒頭去屑方

三奈甘松零陵各一錢樟腦二分滑石半兩為末

夜搽日篋去水雲錄

又方

羊蹄根杵爛同羊膽汁塗之永除 聖惠方

又方

桑木燒灰淋汁沐之神効 聖惠方

頭多白屑及蟻虱

黎蘆末摻之 直指方

又方

藁本香白芷為末夜擦上日篋去 本草綱目

面病門

瘡腫 癩痕 斑皨

黥黥 奎飾 靨痣

論靈樞經曰頭面者諸陽之會也蓋手足六陽之經皆上至頭而陽明一經尤環絡面部胃熱則面熱胃寒則面寒若胃中風熱上攻令人面腫或面鼻色紫風刺癢疹

面腫與面浮不同最宜分別腫則為實因風火上

炎紅腫而熱或按之痛此邪有餘當用防風通聖散面浮則為虛因脾傷勞役飲食失節脾氣輸散不常肺氣傳布失度故面虛浮眼下如餓蚕或氣喘皆其候也此正氣不足宜實脾

有黥黥者黑紫小點俗稱雀斑 有面皨音者或赤或白或黑氣色斑駁不一皆肺胃積熱毒氣所發

瘡腫 十方

醫門

卷二十一

面病

十二

吳軍堂

梔子荊芥湯 治面上生瘡及腫

梔子炒荊芥黃芩酒炒川芎酒浸白芷白芍藥酒炒桔梗生地黃酒洗升麻枳殼麩炒大黃煨各一錢甘草五分水二盞煎八分食後服

防風通聖散 治風火上炎面目皆腫者

防風川芎當歸酒浸白芍藥酒炒連翹薄荷麻黃去節各六分石膏煨桔梗黃芩酒炒甘草炙各一錢白朮梔子仁各炒荊芥穗各五分骨石飛二錢

四分生薑三片葱白二莖豆豉一撮水二盞煎一鍾濕服如大便結者以入芒硝大黃各四分調服

一服立効和劑局方

肺風面瘡或起白屑或生赤癩

蓖麻仁四十九粒白果去皮膠束去皮核各三粒瓦松去梗三錢肥皂一个去皮弦搗丸洗面用之妙扶壽方

硫黃膏 治面部生瘡或粉刺及赤鼻

生硫黃白芷天花粉輕粉各五分芫青七个去翅足炒全蝎一枚炙蟬退五枚為細末用麻油黃臘

約量多少溶化離火方入藥末和成膏臨卧時洗面淨以少許塗面近眼處勿塗數日即愈風刺一夕見効

面暴生瘡

生杏仁去皮搗爛以鷄子清調如糊洗面塗之口以水洗去數次愈食療本草

又方

曼陀羅花晒乾研末少許貼上衛生易簡方

兩頰赤痒其狀如沸名曰面風

以杏仁頻搯之內服消風散證治要

附消風散方

陳皮厚朴薑製各半兩藿香羌活人參去蘆甘草各一兩白茯苓荆芥穗防風川芎白殭蚕炒蝉蛻各二兩為末每服三錢茶清調下 醫統

婦人面瘡各粉花瘡

以定粉五錢菜子油調泥盥內用艾燒烟薰之候烟盡覆地上一夜取出調搽即愈永無瘡痕 談埜翁試驗方

抓破面皮

生薑自然汁調輕粉末擦之更無跡救急方

又方

香油調官粉敷之一夕愈集簡方

癩痕七方

滅諸癩痕

蒺藜子山梔子等分為末醋和夜塗旦洗救急方

又方

熟鷄子黃五个炒黑塗塗日三次久自滅經驗方

又方

先以布拭赤用禹餘糧半夏等分為末鷄子黃和

傳勿見風日一月十年者亦滅 聖濟方

又方

春夏用大麥麩秋冬用小麥麩炒研如粉和酥傳

之總錄

又方

鷹屎二兩殭蚕一兩半炒為末蜜和敷之 聖惠方

又方

鷹屎白附子各一兩為末醋和敷日三五次總錄

又方

大鼠一枚以臘猪脂四兩煎至消盡濾淨日塗三五次先以布拭赤避風普濟方

斑炮 十二方

面生白駁

用敝帚敝炊帚敝帛履底敝篋帶蟬蛻蛇皮等分以月食時合燒為末以稗醋和塗之忌食發風之物古今錄驗

又方

鰻鱧魚炙取油塗之即時色轉五七次瘡黃宗方

面皰

鷹屎白一分胡粉一分蜜和敷之外臺方

又方

杏仁去皮細研以鷄子白和如餡塗之旦以漿水洗去後塗胡粉五六日効忌風崔元亮海上方

又方

菟花冬瓜仁研末等分蜜調敷之聖惠方

又方

雲母粉杏仁等分爲末黃牛乳拌和器盛畧蒸夜
塗旦洗 聖濟錄

又方

皂角子杏仁等分研勻夜以津和塗之 聖惠方

又方

櫛子肉皮搗爛入白麩和日用洗面去垢及黥甚
良集簡方

面上肝胞

鹿角尖磨濃汁厚塗之效 本草綱目

面上紫塊如錢大或滿面俱有

羊蹄根四兩取汁穿山甲十片燒存性川椒末五
錢生薑四兩取汁和研生絹包擦如乾入醋潤濕
連擦數次即愈 積德堂方

面上黑氣

半夏焙研米醋調敷不可見風不記遍敷從早至
晚如此三日皂角湯洗下面瑩如玉 摘玄方
面色黧黑皮膚粗醜

殺羊脛骨為末鷄子白調敷以白梁米泔洗之一
二日如換神效 肘後方

黠黠 九方

面生黠黠如雀卵之狀

醋漬白木日用拭之極效 肘後方

又方

鷄子一枚去黃硃砂米一兩入鷄子內封固入伏

雌下抱至雛出取研塗面即去 呂五度面白如

玉此陳朝張貴妃常用方 外臺秘要

又方

嫩櫻桃枝同紫萍牙皂白梅肉研和日用洗面本

草綱目

又方

蓖麻子仁蜜陀僧硫黃各一錢為末用羊髓和勻

夜七敷之 摘玄方

又方

黑牽牛末鷄子清調夜敷旦洗 摘玄方

面黠及粉刺

用浮萍日按膏之并飲食汁少許 外臺方

又方

浮萍四兩防已一兩煎濃汁洗仍以浮萍於斑點
上熱擦日三五次 普濟方

粉滓面黥

白殭蚕黑牽牛各細研等分日用擦之 斗門方
面上疥癩黥黥

土瓜根搗末漿水和勻每晚以漿水洗面塗藥
旦起洗之百日光彩射人 夫妻不相識 附後方

卷八方

太真紅玉膏 潤肌膚美容顏并治黥黥

輕粉滑石杏仁去皮等分為末蒸過待冷入冰片
麝香少許以鷄子清調勻洗面畢傳之旬日顏色
如紅玉 閨閣事宜

塗面駐顏

雞子一枚開孔去黃留白入金華胭脂及硃砂少
許紙封與鷄抱之俟別卵抱出研塗面洗之不落
半年尚紅也 普濟方

又方

硃砂二錢乾胭脂川芎各一錢官粉三錢烏梅五
个去核樟腦五錢為細末臨卧津唾調搽面上次
早溫水洗去不滿一月面如童顏 龔雲林方

又方

猪脬五具蕪菁子二兩杏仁去皮土瓜根各一兩
醇酒浸之夜塗旦洗老者少少者白神効 卅後方

又方

李花梨花櫻桃花白葵花白蓮花紅蓮花旋覆花
秦椒各六兩莢花木瓜花沉香清水香鍾乳粉各
三兩珍珠玉屑各二兩大豆末七合為細末瓶收
每日盥洗用之百日光瑩如玉 普濟方

面黑令白

天門冬曝乾同蜜搗作丸日用洗面 聖濟總錄

又方

冬瓜一个竹刀去皮切片酒升半水一升煮爛濾
去渣熬膏瓶收每夜塗之或以瓜瓢洗面澡身去
黥黥令人悅澤以其子仁作面脂更佳 聖濟總錄

又方

白楊皮十兩 棗花一兩 白瓜子仁三兩 為末 每服二錢 日三服 五十日 面及手足皆白 聖濟總錄

① 驚 ② 瘰 ③ 疔 ④ 疔 ⑤ 疔 ⑥ 疔 ⑦ 疔 ⑧ 疔 ⑨ 疔 ⑩ 疔

滅除鷹瘰

蔓菁子 山梔子 等分為末 醋和 夜塗 旦洗 救急方

又方 用人精和鷹屎白塗之 數日 落千金方

又方 七月七日午時取瓜葉七枚 直入北堂中 向南立 逐枚拭鷹即滅去 萬畢術方

又方 斑蝥三個 以糯米五錢炒黃 去米入蒜一瓣 砒少許 搗爛 點之 自落 本草綱目

又方 蔓菁子研入面脂中 夜七塗之 亦去面皴 聖惠方

又方 胡荽煎湯 日七洗之 即去 小說

點疣痣法

石灰一兩桑灰淋汁熬成膏刺破點之 普濟方

又方

麥稽灰淋汁入石鹼礬灰等分煎乾為末以針刺

破水調敷之三日即去須新合者方效 聖濟錄

又方

礬灰水調如泥一碗用糯米全者水泡透半插灰

中半在灰外經宿米色變如水晶先以針微撥動

點少許於上經半日汗出則去藥不得着水一日

而愈 集效方

又方

藜蘆灰五兩水一大碗淋汁銅器中重湯煮成黑

膏以針微刺破點之不過三次 聖惠方

Faint, mostly illegible text on the left page, possibly bleed-through from the reverse side. The text is arranged in vertical columns.

右頁有印刷文字，右側邊緣有「書門醫學」等字樣。正文內容模糊，但可見部分文字如「...」。

